


古140
822.1
湯

全石字
亂
其五八五

石經考



16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
4

金石文字記卷之五

唐

國子學石經

周易二萬四千四百三十七字

尚書二萬七千一百三十四字

毛詩四萬八百四十八字


周禮四萬九千五百一十六字

儀禮五萬七千一百一十一字

禮記九萬八千九百九十四字

春秋左氏傳一十九萬八千九百四十五字

公羊傳四萬四千七百四十八字



穀梁傳四萬二千八十九字

孝經二千□百□十三字

論語一萬六千五百九字

爾雅一萬七百九十一字

五經文字

九經字樣

九經并孝經論語爾雅字樣等都計六十五萬二

百五十二字

今在西安府儒學其末有年月一行題名十行曰
開成二年丁巳歲月次于亥日惟丁亥書石學生
前四門館明經臣艾居晦書石學生前四門館明

經臣陳玠書石學生前文學館明經臣□□□□

書石官將仕郎守潤州句容縣尉臣段絳校勘兼

看書上石官將仕郎守秘書省正字臣栢嵩校勘

兼看書上石官將仕郎守四門助教臣陳莊士覆

定字體官翰林待詔朝議郎權知沔王友上往國

賜緋魚袋臣唐元度校勘官兼專知都勘定經書

檢校刊勒上石朝議郎守國子毛詩博士上柱國

臣章師道朝散大夫守國子司業騎都尉賜緋魚

袋臣楊敬之都檢校官銀青光祿大夫□□□□

□□□□國子祭酒同中書門下平章事太

清宮使監修國史上柱國滎陽郡開國公食邑二

千戶臣覃

官銜缺十字九經字樣云右僕射兼門下侍郎國子祭酒平章事覃

按舊唐書開成

元年正月中書門下奏起居舍人集賢殿學士周墀監察御史張次宗禮部員外郎孔溫業兵部員外郎集賢殿直學士崔球等同勘校經典釋文及云今率更令韓泉克詳定石經官新唐書亦列墀等四人而碑並不載

舊唐書文宗紀開成二年宰臣判國子祭酒鄭覃進石壁九經一百六十卷時上好文覃以經義啓導稍折文學之士遂奏置五經博士依漢蔡邕刊碑列於太學創立石壁九經諸儒校正訛謬上又令翰林勒字官唐玄度復校字體又乖師法故石

經立後數十年名儒皆不窺之以爲蕪累甚矣舊史之評如此愚初讀而疑之又見新書無貶辭以爲石壁九經雖不逮古人亦何遽不賢於寺碑冢碣及得其本而詳校之乃知經中之繆戾非一而劉昫之言不誣也略識于左

周易 君子以裒多益寡裒誤作褒 悔吝者言

乎其小疵也言誤作存 其孰能與於此哉脫於

字 周易繫辭下第八脫下字 易窮則變變則

通通則久是以自天祐之吉无不利下多一也字

力小而任重小誤作少 傷於外者必反其家

其誤作於 决必有所遇脫所字 蠱則飭也飭

誤作飾 豐多故親寡旅也故下多一也字 姤
遇也姤誤作邁

其與今文不同而兩通者 終來有他吉他作它

剛健篤實輝光輝作輝 君子以治歷明時曆

作歷 可與佑神矣佑作祐 其受命也如嚮嚮

作響 兼三才而兩之三才之道也才皆作林

其一字而前後不同者 包蒙包荒包承包羞繫

于包桑繫辭包皆作苞包有魚包无魚以杞包瓜

包皆作包 問以辨之由辨之不早辨也其辨明

也明辨哲也辨吉凶者存乎辭困德之辨也井以

辨義辨是與非辨皆作辯君子以類族辨物剝牀

以辨君子以慎辨物居方復小而辨於物辨皆作

辨其旁注者 至靜而德方德下添一也字 賁

亨小利有攸往利下添一貞字

其先誤而後改者 略例筌誤作荃 愈誤作喻

二无誤作無 皆即其誤改之

其標題周易繫辭上第七周易繫辭第八周易說

卦第九皆八分書而周易序卦第十周易雜卦第

十一皆正書雖依古注本附於第九之內以正書

爲別終似未安

尚書 乃祖乃父丕乃告我高后曰作丕刑于朕

孫乃父誤作先父孫上多一子字 臣下周攸稟

令令誤作命 若藥弗瞑眩藥誤作樂 王乃狗
師而誓狗誤作循 乃汝世讎世誤作誓 太保
乃以庶殷攻位于洛汭攻誤作公 用端命于上
帝于誤作子

其與今文不同而兩通者 敢對揚天子之休命
無之字

其旁注者 予有亂臣十人臣字旁注 惟婦言
是用是字旁注 釋箕子囚封比干墓式商容閭

干下容下各添一之字
詩 小戎序國人則矜其車甲甲誤作田 舒憂

受兮憂誤作憂 予尾脩脩誤作脩 戎車既
飭飭誤作飾 以祈黃耆祈誤作邪 涼曰不可

涼誤作諒 無此疆爾界誤作介 侯疆侯以
疆誤作疆

其與今文不同而兩通者 雖雖鳴鴈雖作雍
之死矢靡他他作它 不知我者謂我士也驕作

不我知二章同 和鸞雖雖作雍 何人斯序
故蘇公作是詩以絕之也以作而 維塵雖分雖

作雍 既匡既敕敕作勅 其政不獲政從鄭箋
作正 尚不愧于屋漏愧作媿 于彼西雖肅雖

和鳴有來雖雖皆作雍 屢豐年屢作婁
其先誤而後改者 抱衾與裯裯誤作稠 不瑕

有害瑕誤作遐 鱸鮪發發誤作撥 樽香背
憎尊誤作躡 如彼遡風遡誤作愬 駟駟牡馬
牡皆誤作牧皆即其誤改之 云何其肝脫其字
添

周禮 女史八人史誤作使 太宰三曰郊甸之

賦郊誤作邦 內饗豕盲視而交睫豕誤作施

典臬掌布總縹紵之麻草之物總誤作絲 牛人

軍事共其犒牛犒誤作犒 司市市司帥賈師而

從賈誤作胥 肆長掌其戒令令誤作禁 鞮鞻

氏府一人一誤作八 望人崇門用瓢齋用誤作

明 司几筵設莞筵紛純筵設作席 大司樂大

磬磬誤作磬 王大食三侑侑誤作宥 大師令

奏鼓鞀鼓誤作鞀 大祝四曰崇崇誤作榮 司

常家各象其號象誤作相 凡以神仕者仕誤作

士 小子史二人二誤作一 大司馬旗居卒間

居誤作車 考工記 紛胡之筭筭誤作筭 矢

人前弱則俛俛誤作勉

其與今文不同而兩通者 醫師疔瘍者疔上多

一有字 野廬氏有相翔者誅之誅上多一則字

邦之大師大上多一有字 庭氏以救日之弓

與救月之矢射之射上多一夜字

儀禮 士冠禮捷柶與捷誤作建 鄉射禮司射

通堂西祖決祖誤作祖 福梟橫而奉之奉誤作

拳 大夫與士射祖纁襦纁誤作薰 燕禮右祭

脯醢脯誤作脯 大射儀賓升成拜拜誤作敗

坐授瑟乃降授誤作受 聘禮賓既將公事復見

訝以其擊訝誤作之 公食大夫禮陳鼎於碑南

南面西上脫十南字 覲禮天子賜舍曰伯父脫

曰字 士喪禮祭服不倒倒誤作到 少牢饋食

禮如筮日之儀儀誤作禮 主婦被錫衣侈袂侈

誤作移下同 祝延尸延誤作筵 有司徹二手

執挑七枋挑誤作挑 主婦洗爵于房中脫爵字

主婦北面答拜受爵尸降筵受主婦爵以降誤

作受尸爵 主人降洗爵爵誤作解下主人實爵

竝同 主人拜受爵尸拜送脫爵字

其與今文不同而兩通者 鄉射禮適左个中亦

如之亦作皆 燕禮小臣又請媵爵者二大夫媵

爵如初大夫下更有大夫二字

禮記 御刪定月令在曲禮之前 月令人乃遷

徙徙誤作徒 其器閔以奄奄誤作掩 檀弓上

周公蓋祔祔誤作附 王制示弗故生也示誤作

亦 禮器饗帝於郊而風雨節寒暑時脫節字

學記燕辟廢其學辟誤作譬 喪大記男子出寢

門外脫外字 子大夫公子衆士食粥脫衆士二

字 哀公問如此則國家順矣脫則字 坊記民
猶薄於孝而厚於慈猶下多一有字 中庸待其
人而後行而誤作然 君子之所不可及者脫之
字 緇衣有國家者章義擅惡脫家字 儒行慎
靜而尚寬脫而字 大學人之其所親愛而辟焉
五辟字皆誤作譬 若有一人臣不誤作介
其與今文不同而兩通者 檀弓上有亡惡乎齊
亾作無 歲壹漆之壹作一 樂記非聽其鏗鏘
而已也鏘作鎗 雜記上賓立于門西于作於
雜記下泄柶之母死泄作世 喪大記命婦記拜
衆賓於堂上於作于 主人先俟于門外于作於

中庸可一言而盡也 一作壹 問喪祭之宗廟

以鬼享之享作饗 大學堯舜帥天下以仁二帥

字皆作率 昏義祖廟既毀教于宗室于作於

射義是以諸侯君臣以作故

其先誤而後改者 學記教人不盡其材材誤作

才 故人不耐無樂耐誤作能皆即其誤改之

春秋左傳 隱元年且告之悔且誤作具 五年

僖伯稱疾不從疾誤作侯 十年伐戴戴誤作載

桓二年故封桓叔于曲沃故誤作政 六年楚

之羸羸誤作羸 以類命爲象類誤作德 閔二

年從曰撫軍軍誤作國 僖三年公子友如齊泣

盟涖誤作泣 四年歸胙于公脫胙字 姬寘諸
宮六日宮誤作公 公殺其傅杜原款傅誤作傳
七年弗可改也已改誤作故 十四年公怒止
之止誤作上 十五年輅秦伯輅誤作轄 使卻
乞告瑕呂飴甥且召之且誤作國 二十五年昏
而傳焉傳誤作傳 二十七年責無禮也責誤作
青 卻穀可穀誤作穀 三十一年晉新得諸侯
新誤作親 東傳于濟傳誤作傳 三十三年入
險而脫入誤作人 爲從者之淹淹誤作流 文
元年王使毛伯衛來錫公命誤作賜 享江芊
芊誤作芊 二年廢六關關誤作闕 七年寘文

公子焉焉誤作曰 十二年大子以夫鍾與郕邾
來奔邾誤作封 宣二年晉趙盾弑其君夷臯弑
誤作殺 二年晉侯伐鄭及邲邲誤作延 商紂
暴虐紂誤作討 四年秋公如齊秋誤作利 六
年離卦誤畫作同人 八年殺諸絳市絳誤作終
十二年晉師在敖鄆之閭師誤作帥 十五年
吾獲狄土土誤作士 十七年盟于卷楚卷誤作
巷 卻子其或者欲已亂于齊乎乎誤作平 十
八年凡自虐其君曰弑虐上多一內字 成二年
及齊師戰于新築師誤作侯 且辟左右且誤作
旦 七年尋蟲牢之盟蟲誤作蠱 十七年楚公

子橐師襲舒庸橐誤作橐 襄十年子矯曰矯誤
作矯 今伐其師今誤作令 十四年士鞅反反
誤作及 十七年苟過華臣之門必騁騁誤作聘
十九年而視不可含含誤作舍 所不嗣事于
齊者事誤作是 天子令德天誤作夫 二十一
年樂盈過于周過上多奔楚二字 二十三年邾
畀我來奔畀誤作卑 二十五年先夫當之矣夫
誤作天 井堙水刊堙誤作煙 賦車兵徒卒甲
楯之數卒誤作兵 二十七年父子死余矣余誤
作餘 免餘復攻甯氏餘誤作余 二十八年重
丘之盟未可忘也忘誤作志 使析歸父告晏平

仲晏誤作宴 文子使召之召誤作君 慶氏之
馬善驚馬誤作焉 武王有亂臣十人脫臣字
三十年蔡景侯為太子般娶于楚娶誤作聚 單
公子愆期期誤作旗 駟帶追之駟誤作四 昭
元年今武猶是心也今誤作令 二年齊使上大
夫送之送誤作逆 三年少姜有寵而死姜誤作
齊 知而復從復誤作弗 四年恃險與馬馬誤
作焉 五年娶于子尾氏娶誤作聚 君若驩焉
好逆使臣若誤作苦 九年無圍猶可圍誤作宥
十三年隱太子之子廬歸于蔡廬誤作盧 十
四年楚子使然丹簡上國之兵于宗邱宗誤作宋

二十年余不忍其詢詢誤作詢 取人于萑苻
之澤苻誤作符 二十一年心是以感感實生疾
感誤作咸 二十五年士平出奔楚士誤作氏
邊印為大司徒印誤作印 二十五年季公鳥生
申申誤作甲 二十七年入于堀室堀誤作壻
定元年榮駕鷲駕誤作駕 二年及邾子盟于拔
拔誤作技 八年子姑使溷代子代誤作伐 十
年駟赤謂侯犯曰赤誤作亦 哀四年盜殺蔡侯
申殺誤作弒 蔡昭侯將如吳蔡誤作葬 十六
年與晉人謀襲鄭晉誤作為 二十三年有不腆
先人之產馬馬誤作焉 二十六年四方其訓之

訓誤作順

其與今文不同而兩通者 宣二年以視諸朝視
作示 哀十六年此事克則為卿事下有也字
其續添者 昭二十二年辛丑伐京毀其西南下
添子朝奔郊四字
春秋公羊傳 隱元年何以名字也字上多一不
字 二年婦人謂嫁曰歸嫁誤作稼 三年曷為
或言崩或言薨脫上一或字 生母相見死母相
哭母字竝誤作母死母誤作母死 六年吾與鄭
人未有成也未誤作未下同 十年宋人蔡人衛
人伐戴戴誤作戴 桓二年曰有有則此何以書

脫一有字 隱賢而桓賊也賊誤作賤 莊十九年此其言遂何脫其字 二十五年求乎陰之道也陰誤作隱 三十二年狄伐邢邢誤作刑 僖四年南夷與北狄交誤作北夷 六年此其言圍何圍下多一者字 二十六年乞師者何脫師字 三十年歸惡乎元咺也乎誤作于 三十三年百里子與蹇叔子百誤作伯 文四年其謂之逆婦姜于齊何何誤作河 宣十五年然後歸爾爾誤作耳 成十五年成公幼幼誤作憂 臧宣叔者相也叔誤作公 襄十四年季孫宿會晉士匄宋華閱衛孫林父鄭公孫薑莒人邾婁人于戚邾

婁人脫人字 十七年春王二月二誤作三 十九年爲其驕蹇爲誤作或 二十九年許人子者必使子也人下脫子字 昭九年其言陳火何脫陳字 定元年立煬宮宮誤作公 四年夷狄也而憂中國而誤作其 哀四年盜殺蔡侯申殺誤作弑 六年齊國夏及高張來奔高上多一齊字 十四年顏淵死子曰子上多一孔字 其與今文不同而兩通者 隱四年隱公曰否作隱曰吾否 桓六年簡車徒也徒作馬 淫乎蔡乎作于 十一年祭仲者何鄭相也相上有之字 文六年何以謂之天無是月非常月也是月下

更有是月二字 宣六年此非弒君而何而作如
十年未絕於我也於作于 十二年是以君子
篤於禮而薄於利下於作于 成二年得一貶焉
爾一作壹 襄十二年春王正月正作三 二十
九年爾殺吾君殺作弒 三十一年於是負孝公
之周愬天子愬作訴 十四年有麇而角者麇作
麇

其先誤而後改者 桓二年此其目言之何目誤
作月 閔元年盡弒之矣使弒子般弒竝誤作殺
僖十三年葬陳宣公宣誤作桓 成二年及齊
侯戰于鞏侯誤作師 昭二十五年慶子免君於

大難矣脫矣 字皆即其誤改之

春秋穀梁傳 隱元年父者何傅也傅誤作傳

四年弒而代之也代誤作伐 九年所俠也俠誤

作挾 莊七年則是兩說也兩誤作兩下同 僖

五年天子世于世天下也誤作士子 二十二年

春秋三十有四戰脫有字 二十八年晉侯齊師

宋師秦師誤作齊侯 文二年内大夫可以會外

諸侯脫外字 三年王子虎卒誤作壬子 宣八

年以譏乎宣也譏誤作饑 襄元年晉侯使荀罃

來聘罃誤作嬰 二年三年同 三年諸侯始失正

矣正誤作王 六年立異姓以蒞祭祀立上多一

非字 哀元年此該之變而道之也該誤作郊
六年入者內弗受也弗誤作不下同

其與今文不同而兩通者 僖十七年桓公嘗有

存亾繼絕之功脫公字 文六年處父主境上事

事上多一之字 成五年帥羣臣而哭之前作率

後作帥

其先誤而後改者甚多不具載

論語 賜也爾愛其羊爾誤作女 不知其仁仁

誤作人 子使漆雕開仕雕誤作彫 再斯可矣

斯誤作思 三人行三上多一我字 必有我師

焉有誤作得 冉有子貢侃侃如也有誤作子

告夫三子三上多一二字 可與言而不與之言

脫之字 無求生以害仁仁誤作人 吾猶及史

之闕文也脫之字 稱諸異邦曰諸誤作謂 何德之

衰衰下多一也字

其與今文不同而兩通者 女得人焉爾乎爾作

耳 人潔已以進潔作絜

其先脫而後添注者 陽貨篇子曰巧言令色鮮

矣仁

爾雅 替戾底廢誤作底底 翽燾也翽誤作翽

皇華也誤作華皇 赫兮咺兮咺誤作烜 是

刈是漙漙誤作獲 木謂之虞木誤作本 何鼓

謂之牽牛何誤作河 澤鳥瓊瓊誤作蒼 葶麻
 母葶誤作葶 樓橐含樓誤作樓 祝州木祝誤
 作祝 魚尾謂之丙尾上添一之字 燕白脰鳥
 鳥誤作鳥 楊鳥白鷹楊鳥誤作鷹 鳶鳥醜鳥
 誤作鳥 鳥 鵲醜鳥誤作鳥 鷹大鷹誤作大鷹
 凡經中二十字皆作廿三十字皆作卅按古詩之
 文多是四言如于三十里三十維物皆四言也則
 當為三十字史記奏始皇刻石如廿有六年維廿
 九年卅有七年則當為卅字卅字今改經文而為
 卅卅字非矣
 凡經中虎字皆缺末筆作虎虢號號饗澎麓禡字

皆同避太祖諱 淵字皆缺筆作淵淵亦作媯避
 高祖諱 世字皆缺筆作世泄作洩繼作緹棄作
 弃勤作勤葉作菜涑揀棘揀諫堧僚皆改從云
 民字皆缺筆作民氓作毗岷作岷 祗昏昏瘠瘠昏
 愍蟲皆改從氏避太宗諱 亨字皆作亨避肅宗
 諱 豫字皆缺筆作豫避代宗諱 适字皆缺筆
 作适避德宗諱 誦字皆缺筆作誦避順宗諱
 純字皆缺筆作紉避憲宗諱 恒字皆缺筆作恒
 避穆宗諱 湛字皆缺筆作湛甚作甚堪作堪避
 敬宗諱 乃若高宗諱治中宗諱顯睿宗諱旦玄
 宗諱隆基文宗諱涵皆不缺筆者禮天子事七廟

自肅至敬七宗而高祖太宗創業之君不祧者也

玄宗以上則祧廟也故不諱冊府元龜寶曆元年正月太常寺禮院言元宗廟諱准故事

祧遷後不當文宗則今上也古者卒哭乃諱故生不諱

變諱制可左傳文公宣公卷字夏濫惡而成城字皆缺末

筆穀梁襄昭定哀四公卷儀禮士昏禮皆然此為

朱梁所補刻考之宋劉從又黎持二記但言韓建

劉鄩移石而不言補刻宋建隆三年劉從文修文宣王廟記言

學并石經於此甲子歲昭宗遷維之年許國公者韓

移石經記則云舊在務本坊自天祐中韓建築新城

梁時劉鄩守長安從幕吏尹玉羽之請輦入城中置

西隅也今龍圖呂公領階陝右以其處窪下命徙置

焉二說不同朱梁尊曰尹玉羽者京北長安人以

軍節度推官歷滑州從事仕後唐至光祿少卿

歸關中嘗著自然經五卷武庫集五十卷其事散見於

冊府元龜惜歐陽子不為立傳而其書亦不傳於世也

然成字缺筆

其為梁諱無疑昔人固未嘗徧讀而博者也詳見

鎮東軍牆隍廟記下

五經文字三卷凡一百六十部三十二百三十五

字大歷十一年國子司業張參以說文字林兼采

漢石經著為定體按劉禹錫國學新修五經壁記

曰大歷中名儒張參為國子司業始詳定五經書

於論堂東西廂之壁辨齊魯之音取其宜考古今

之文取其正由是諸生之師心曲學偏聽臆說咸

束而歸於大同積六十載崩剝汗蠟泯然不鮮今

天子尚文章尊典籍國學上言遠賜千萬時祭酒

皞博士公肅韋公肅遂以羨贏再新壁書懲前土塗不

克以壽乃折堅木負墉而比之其製如版牘而高
廣其平如粉澤而絜滑昔施陰關使衆如一附離
之際無迹而尋堂皇靚淡兩屋相照申命國子能
通法書者分章揆日懸其業而繕寫焉此文當作
於太和年間自土塗而木版自木版而石壁凡三
易矣乃今石刻其末曰乾符三年孫毛詩博士自
牧以家本重校勘定當云毛詩博士孫自牧於文乃順七月十八日書
刻字人魚宗會其字別體與朱梁所列相類而本
文不然當是開成中所刻其中有磨改數字者意
自牧所爲也

九經字樣一卷凡七十六部四百二十一字國子

監奏覆定石經字體官翰林待詔唐元度狀准太
和七年十二月五日勅覆定九經字體者今所詳
覆多依司業張參五經文字爲准其舊字樣歲月
將久畫點參差傳寫相承漸致乖誤今竝依字書
參詳改正諸經之中別有疑闕舊字樣未載者古
今體異隸變不同如總據說文即古體驚俗若依
近代文字或傳寫乖訛今與校勘官同商較是非
取其適中纂錄爲新加九經字樣一卷請附於五
經字樣之末奉勅宜依開成二年八月十二日中
書門下牒

冊府元龜周太祖廣順三年六月尚書左丞兼判

國子監事田敏獻印板書五經文字九經字樣各
二部一百三十策奏曰臣等自長興三年較勘雕
印九經書籍經注繁多年代殊邈傳寫紕繆漸失
根源臣守官膠庠職司較定旁求援據上備雕鐫
幸遇聖朝克終盛事播文德於有截傳世教以無
窮謹具陳進是此一書曾有印板而自宋以來學
者不言之何也

梓州刺史馮宿碑

王起撰

柳公權正書并篆額

今在西安府儒學其文後半已漫漶不辨年月其
首云開成元年十二月又云明年五月云

基公塔銘

李弘度撰

沙門建初行書

開成四

年五月

今在西安府城南興教寺

大徧覺法師元奘塔銘

劉軻撰

沙門建初行書

開成四年五月

今在西安府城南興教寺

太尉李光顏碑

李程撰

郭虔正書

開成五年

今在榆次縣

司直廳石幢

鄭模撰

裴諸書

庚申年正月是

開成五年

續有會昌元年評事李口述一通

今在西安府城內

寂照和上碑

段成式撰

僧無可正書

顧元篆

額 開成六年正月

今在咸陽縣

贈太師崔陞碑 劉禹錫撰 柳公權正書 會昌

元年五月

今在偃師縣

大達法師元秘塔碑銘 裴休撰 柳公權正書并

篆額 會昌元年十二月

今在西安府儒學碑陰有勅內莊宅使牒及比邱

正言疏大中六年四月

皇帝巡幸左神策軍紀聖德碑 崔鉉撰 柳公權

正書 會昌三年

拓本

重藏舍利記 采師倫正書 會昌六年九月

今在京師憫忠寺

此初復佛寺之文

周公祠靈泉碑 崔珙奏 答詔 正書 大中二

年十一月

今在岐山縣周公廟

杜順和尚行記 杜殷撰 董景仁草書 大中六

年山月

今在西安府開佛寺

睿宗與司馬鍊師書三通 元宗與司馬鍊師書一

通 五言詩一首 司馬承禎狀一通 批答 韓

抗正書 大中八年五月

今在王屋山陽臺觀

圭峰定慧禪師傳法碑 裴休撰并書 正書 柳

公權篆額 大中九年十月

在鄆縣草堂寺

吏部題名石幢 大中十一年十一月

今在西安府儒學按宋張舜民畫墁錄曰長安今

府字即唐尚書省也府院即吏部也府錄廳前石

幢即郎官題名石也不知何年移此

鄭恒暨夫人崔氏墓誌銘 秦貫撰 正書 大中

十二年十二月

此即今世所傳崔鶯鶯者也年七十六有子六人

與鄭合葬此銘得之魏縣土中足辨會真記之誣

而志墓之功於是為不細矣

修文宣王廟記 賈防撰 温孔裕奏 中書門下

牒 正書 咸通十一年三月

今在曲阜縣廟中

修武安君白公廟記 正書 乾符五年十一月

今在咸陽縣

李克用題名 正書 中和五年二月

今在曲陽縣北嶽廟中

其文曰河東節度使檢校太保同中書門下平章
事隴西郡王李克用以幽鎮侵擾中山領蕃漢步
騎五十萬衆親來救援與易定司空同申祈禱翌
日過常山開罪時中和五年二月廿一日克用記
易定節度使檢校司空王處存看題至三月十七
日以幽州請就和斷遂却班師再謁睥容兼申賽
謝便取飛狐路却歸河東克用重記其下小字云
天會十三年七月六日尚書都官員外郎知曲陽
縣事高君陳摹刊按舊唐書云時天子播越中原
大亂幽州節度使李可舉鎮州節度使王鎔以河
朔三鎮休戚事同惟易定二郡為朝廷所有乃同

議攻處存以分其地又云幽鎮兩藩兵甲強盛易
定於其間疲於侵寇賴與太原姻好每為之援即
其事也又按宋沈括筆談云嶽祠在曲陽祠中多
唐人故碑殿前一亭中有李克用題名則知此字
乃當時所刻或毀於靖康之兵火而金人重刻之
今石也然克用將門之子何能工於筆法乃爾豈
亦如宣和書譜謂後梁太祖批答賀表當是筆吏
所書之類與

朱彞尊曰文稱中和五年二月者即光啓元年考
僖宗以是年二月至鳳翔三月還京改元之詔猶
未下也通鑑言克用遣將康君立救處存而題名

則云領蕃漢步騎五十萬衆親來救援與通鑑異
又云至三月幽州請就和斷遂班師取飛狐路却
歸河東則又史所不及載者

重藏舍利記 正書 景福元年十二月

今在京師憫忠寺

蜀先主廟碑 郭口撰 正書 乾寧四年

今在涿州樓桑村廟中剝蝕其首行曰婁居道重
修

濟安侯廟記 李巨川撰 郭懷素正書 光化二

年四月

在華州城隍廟內近日移之西安唐昭宗自華州

還京改華州爲興德府封少華山神爲佑順侯華
州城隍神爲濟安侯此文多述韓建之功稱大傅
許國公而不名

唐文粹錄房鄴少華山佑順侯碑頌與此同時

朱彙尊曰巨川爲韓建掌書記撰許國公勤王錄
以媚建方昭宗幸華建請散殿後軍誅李筠圍諸
王十六宅皆巨川教之後爲朱全忠所殺新唐書
附諸叛臣之列

修文宣王廟院記 高諷撰并書 正書

天祐十五年四月

今在定州儒學碑稱太師中書令北平王者王處

直也按舊唐書處直傳天佑元年加太保封太原王後仕偽梁封北平王檢校太尉又接通鑑梁太祖開平四年鎮定復稱唐天祐年號今此天祐十五年為梁之貞明四年晉王已拔楊劉矣

重修法門寺塔廟記

薛昌序撰

王仁恭正書

天祐十九年二月

今在鳳翔府寺中

通鑑後唐莊宗同光二年封岐王李茂貞為秦王今此碑天祐十九年建而其文已稱秦王則在同光之前二年矣蓋必茂貞所自稱又史言茂貞奉天祐年號此碑之末亦書天祐十九年而篇中歷

述前事則竝以天復紀年至天復二十年止亦與史不合

陽翟縣侯褚亮碑

八分書

以下無年月

拓本半缺

北嶽神廟之碑

鄭子春撰

崔鏐八分書

李述

篆額

今在曲陽縣北嶽廟中

神字作𡗗下從旦禮記郊特牲所以交於旦明之義也鄭康成曰旦當為神篆字之誤也莊子有旦宅而無情死亦讀為神昔之傳書者遺其上半因誤為旦耳

畢郊乃是昴字省日作單卯已異又加一點用爲胎卯之卯豈古人卯卯通用歟金史有斜卯氏木竝作卯而潞州五龍祠明昌癸丑祈晴碑有上黨斜斜郊温玉竟作夕旁以下與此碑畢郊之郊同碑陰紀段使君德政崔環撰并八分書

崔敦禮碑

干志寧撰

子立政正書

今在醴泉縣殘缺

張阿難碑

正書

今在醴泉縣殘缺

姜遐碑

姪邲公晞撰并書

正書

今在醴泉縣殘缺

安定郡王李光進碑

令狐楚撰

子季元行書

今在榆次縣

修北嶽廟碑

劉端撰

王知新行草

今在曲陽縣廟中記王處直修廟事

重修柏谷寺記

李愚撰

正書

今在潞安府

盤山題名

大字正書

薊州西北三十里盤山上有李靖舞劍臺李從簡曾遊十大字刻於石按冊府元龜李從簡文宗開成初爲左金吾衛將軍兼御史中丞將命鹵度不能專對貶復州刺史意者其人乎

晉王墓二殘碑 正書

朱彞尊跋曰代州柏林寺東晉王李克用墓斷碑
二其一曰唐故左龍武軍統軍檢校司徒贈太保
隴西李公神道之碑文曰公諱國昌字德興今爲
隴西沙陀人偉姿容善騎射蓋克用之父朱邪赤
心也其一曰唐故使持節代州諸軍事代州刺史
李公神道之碑文曰公即太保之次子也其名克
字僅存餘可識者有公前躍馬彎弓及徐方等數
字按史克用弟四人次曰克讓爲振武軍校從討
王仙芝以功拜金吾衛將軍宿衛京師賜第於親
仁坊自克用稱兵雲中殺守將段文楚詔捕克讓

克讓與僕十餘騎彎弧躍馬突圍出奔鴈門與碑
文合則爲克讓無疑但史載克讓守潼關與黃巢
兵戰敗匿南山佛寺中爲寺僧所殺不言其爲代
州刺史又得歸葬下代皆不可曉者當歐陽永叔
時去五代甚近沙陀世次已不得詳其爲唐家人
傳謂太祖四弟皆不知其父母名號至國昌字德
興紀亦遺之是二碑永叔亦未之見也

淨住寺文賢劫像銘 八分書

今在西安府殘缺

號國公主花臺銘 申屠液撰 正書

今在西安府南門內華塔寺

梁

鎮東軍墻隍廟記

錢鏐撰

開平二年歲在武辰

月月字上
下皆空

今在紹興府臥龍山西岡上城隍廟中此碑以城
 為墻以戊為武按舊唐書哀帝紀天祐二年七月
 辛巳勅全忠請鑄河中晉絳諸縣印縣名內有城
 字竝落下如密鄭絳蒲倒單名為文九月己巳勅
 武成王廟宜改為武明王十月癸丑勅改成德軍
 曰武順管內棗城縣曰棗平信都曰堯都欒城曰
 欒氏阜城曰漢阜臨城曰房子避全忠祖父名也
 全忠祖全忠祖
父誠十一月甲申勅改潞州潞城縣曰潞子黎城

曰黎亭又勅改河南告成縣曰陽邑蔡州襄城縣
 曰苞孚同州韓城縣曰韓元絳州翼城縣曰澮川
 鄆州鄆城縣曰萬安慈州文成縣曰屈邑澤州晉
 城縣曰高都陽城縣曰濩澤安州應城縣曰應陽
 洪州豐城縣曰吳高又按五代史滑州唐故曰義
 成軍以避梁王父諱故曰武順又冊府元龜開平
 元年五月甲午改城門郎為門局郎曾子固跋韓
 公井記襄州南楚故城有昭王井故城今謂之故
 墻即鄆也由梁太祖父名誠避之然則城者誠之
 嫌名也冊府元龜言帝曾祖諱茂琳開平元年六
 月癸卯司天監上言請改日辰內戊字為武從之

然則戊者茂之嫌名也容齋續筆謂戊類成字故改之者非然戊本音茂

不知何以有武音而鄭樵謂十辰十二日皆為假

借甲本戊甲乙本魚腸丙本魚尾丁本薑尾戊本

武已本凡又不知其說何所本也又如後漢執金

吾丞武榮碑云天降雄彥資才卓茂仰高鑽堅允

文允武則并茂字亦讀為武其來久矣唐白居易詩有木名櫻桃得地

早滋茂與露其佳顧妙樹賦為韻

僧彥修草書 乾化口年

今在西安府儒學

後唐

李存進碑 呂夢奇撰 梁邕正書并篆額 同光

一年

今在太原縣

千峰禪院勅 明宗御書 天成元年

今在澤州盤亭山末有璽曰書詔新鑄之印

余所見宋元碑升作陞斗作蚪石作碩蓋如數日

之借用壹貳等字務令筆畫繁多以防改竄今按

此勅已用蚪碩土字而水經注有五蚪米道又云

長湖南有覆蚪山又舊唐書字多作蚪碩又韓文

公河南令舍池臺詩未許波瀾量斗碩則詩中亦

用之矣

鄧士望勘正劉漫塘文集云斗字古作豆俗誤併

爲一字作斛即杜詩秋雨歎亦然按漢書平帝紀民捕蝗詣吏以石斛受錢已作斛

今浙西吳中人猶謂十斗爲一石音石而北人讀石爲擔誤也漢書蒯通傳守儋石之祿注應邵曰齊人名小甕爲儋受二斛後漢書宣秉郭丹吳祐皇甫規傳竝作擔石注今江淮人謂一石爲一擔擔音丁濫反史記貨殖傳醬千甌索隱曰音都甘反漢書作儋孟康曰儋石甕受一石一音都濫反揚子法言吾見儋石矣

冥福院牒 長興四年九月

今在泰安州冥福寺

此牒無押而每人各用一印兩樞密使趙延壽范延光竝見五代史准字與嵩山會善寺戒壇碑大曆二年牒同

晉

建雄節度使相里金碑 李象撰 成知訓正書

天福五年十月

今在汾陽縣小相里之北太師墓上五代史相里金傳略同惟傳云字奉金而此云字國寶傳云贈太師而此云贈太子太師又封西河郡開國侯而史遺之皆當以此碑一正也

碑云顓頊生大業大業生庭堅庭堅仕堯爲大理

官至殷末有理徵為殷伯其孫仲明逃紂之禍故去玉而稱里氏至周時晉有大夫里克其妻同成氏攜小子季連避地居於相城時人遂呼為相里氏相里武為漢御史相里覽為前趙將軍而莊子書言相里勤之弟子韓非子言有相里氏之墨作碑者不能引也

今汾陽有大相小相二村相里氏之後尚有數十

家因考北齊寺碑題名多相里氏

史言武士護娶相里氏士護并州文水人去此

遠至今千有餘年而裔孫猶居於此不獨晉俗淳

樸而山谷之險猶足以自保故能累代不遷若山

東河南則兵火之餘人民亾散欲求元時遺族已

寥寥不可見矣

安邑縣北三十里少有相里村

駙馬都尉史匡翰碑

陶穀撰

閻光遠行書

天

福八年

今在太原縣黃陵村

開化寺瑤巖閣記

蘇禹珪撰

蘇曉行書

開運

二年

今在太原縣蒙山寺內元人重刻

天龍寺千佛樓碑

李暉撰

劉守清行書

王延

譽篆額 開運二年

今在太原縣

朱彞尊曰碑稱承鈞為睿宗皇帝繼元為英武皇

帝皆史所未及

周

邢郡剏修六曹軒宇記

僧應文撰

正書

顯德

元年八月

今在順德府城西舊莊書不佳又多謬字

衛州刺史郭公屏盜碑

杜韞撰

孫崇望正書

顯德二年五月

今在衛輝府治郭進為衛州刺史率盜屏跡世宗

叔右補闕杜韞序其事

龍泉禪院記

徐綸撰

王獻可後序并書

正書

僧師試篆額

顯德三年

今在陽城縣

內述天祐十九年按此地本屬梁此記乃追削梁

號而稱天祐者

中書侍郎景範碑

扈載撰

正書

鄒平縣南五里有景相公墓通鑑後周顯德元年

七月葬已以樞密院直學士工部侍郎長山景範

為中書侍郎同平章事此地唐時屬長山也景氏

之裔自洪武間有兩舉人今亦尚有諸生不能記

其祖矣不知何年謬傳為晉之景延廣而邑志載

之以後山東通志等書襲舛承訛無不以為延廣

墓後有令於此者謂延廣在晉為誤國之臣遂至

答其後人而毀其祠昔年邑之士大夫亦有考五代事而疑之者予至其邑有諸生二人來稱景氏之孫請問其祖為誰予乃取通鑑及五代史周世

宗紀示之又示以景延廣傳曰延廣字航川陝州

人也其官為馬步軍都指揮使非此明矣宋史景延廣傳曰景延廣

寓其族于淮乃謝而去間一日往郊外視其墓碑其文為

翰林學士朝議郎尚書水部員外郎知制誥柱國

扈載五代史扈載傳官銜同州府元龜載初為監察御史嘗游相國寺僧院作賦而題於壁帝聞之命黃門就其院錄之以進試拜

兵部員外郎知制誥雖剝落者十之一二而其曰故中書侍郎

平章事景公諱範字甚明白且生封上柱國晉陽

縣開國伯沒贈侍中而其文有曰我大周聖神恭

肅文武孝皇帝建大功於漢室為北藩於魏郡又

曰今皇帝嗣位登用舊臣又曰冬十一月薨於滎

川郡之私第其末曰顯德三年歲次丙辰十二月

己未朔越十日戊辰因歎近代士人之不學以本

邑之人書本品之事而猶不可信以明白易見之

碑而不之視以子孫而不識其先人推之天下郡

邑之志如此者多矣

又按通鑑顯德二年八月丁未中書侍郎同平章

事景範罷判三司尋以父喪罷政事今碑文有云

以列卿歸第懸車故鄉嗟風樹之忽驚訴昊天兮

何極則是罷官歸里而後遭父喪與史不同宋史

張美傳曰世宗即位時宰相景範判三司被疾世宗命美爲右領軍衛大將軍權判三司或者以疾而罷罷而遭父喪乎
王元美作李干麟友人襲克懋妻景氏墓誌銘亦以爲延廣之後雖本其家之行狀然王李二公亦未嘗究心於史學也

金石文字記卷之五終

金石文字記卷之六

識餘

岱嶽觀王圓題名

右唐岱嶽觀碑題名之一此碑有開元十九年二十年建中元年貞元十四年題名都督兗州諸軍事任要行博城縣丞公孫杲二詩此碑前文從右方起後詩并題名或從右方起或從左方起每層高下多寡參錯不一以文意筆法求之乃可辨其起訖凡唐人紀遊題名皆就舊碑之陰及兩旁書之前人已題後人即於空處插入大小高下俱無定準宋初亦然自大中祥符以後題名者乃別求

一石刻之字體始得舒縱亦不與舊文相亂然石
小易於搬取故題名愈多而存者愈少今之溝渠
碾磨之間皆是物矣此碑西側面又有宋政和甲
子題名一條

又按茶薺之茶與茶苦之茶本是一字古時未分
麻韻茶薺字亦只讀爲徒東漢以下乃音宅加反
而加字音居何反猶在歌戈韻梁以下始有今音
又妄減一畫爲茶字此碑兩見茶字皆似艸以余
可見唐時字體尚未變爾雅檀苦茶廣韻九麻中
有茶字又有茶字注曰俗是也

又在要題名曰貞元十四年正月十一日立春祭

嶽遂登太平頂宿其年十二月廿一日立春再夾
致祭茶宴于茲曰茶宴者蓋唐時祭畢猶不用酒
今不然矣

宋黃元康題名

右小石刻在岱嶽觀子阮錄唐碑往還數四道士
謂余曰昨發地得石刻二請觀之其文亦可采因
附焉下題同此

盛勛題名

右小石刻在岱嶽觀戊戌乃政和八年其年十一
月己酉朔改元重和曰央嶽者讞而央之古無仲
夏斬決之事也

宋真宗廣生帝君讚

右碑在泰山南麓青帝觀中宋真宗御製廣生帝君讚并序其文及篆額曰御書青帝即禮記月令所謂其帝太皞而史記封禪書秦宣公作密時於渭南祭青帝唐書王璵傳請置春壇祀青帝于國東郊者也夫帝者一而已矣易傳曰帝出乎震齊乎巽相見乎離致役乎坤說言乎兌戰乎乾勞乎坎成言乎艮是周流于四時八卦之中而其爲帝者一也家語載孔子之言曰某也聞諸老聃曰天有五行水火金木土分時化育以成萬物其神謂之五帝古之王者易代而改號取法五行五行變

于終始相生亦象其義故其生爲明王者死而配五行是以太皞配木炎帝配火黃帝配土少皞配金顓頊配水於是有一天帝五人帝之說漢儒因之遂立感生帝之名謂帝王先祖皆感太微五帝之精以生鄭康成述春秋緯說蒼帝靈威仰赤帝赤熛怒黃帝含樞紐白帝白招拒黑帝叶光紀則王子雍諸儒所排駁而後世雖存五帝之祀亦不遵用其名者也豈若易傳之言簡而當哉若真宗之事又所不足論云

升元觀牒

右碑在泰山東南麓升元觀其大字草書甚道勁

不知何人筆錄之以見當日牒文之式考宋史婁
寅亮傳但云政和二年進士爲上虞丞不言歷官
兗州亦可以此碑補史之闕其曰太師魯國公則
蔡京也

普照寺有金大定五年牒碑長春觀有元丁亥年
牒碑其式畧同金元碑竝有印曰尚書禮部之印
即今通行大篆文不用女直蒙古字

宋范致君題名

右小石刻在泰山南麓后土廟

錢伯言題名

右碑舊在宋天書觀後人移之州城內嶽廟中西

墀古松下行書大徑寸餘

白龍池宋人題名

內供奉官李舜舉被命禱祀帝嶽奉香勝槩於壽聖
節日先款青帝宮次詣白龍潭治平四年題

兗守劉衮奉詔祈雪于岱宗登絕頂翌日謁白龍池
之祠元祐丁卯孟初四日奉符令林會題

貫道建欄於此游自元祐丁卯正月八日

范陽正輔再遊同魯小元至丁丑三月廿六日

元符庚辰七月晦趙日之徐安國弟居仁孫正仲同
遊

皇甫公徐端朝孫節同遊建中靖國元年三月廿六

日題

奉符令李珪因捕蝗恭謁白龍祠男彙侍行崇寧壬午孟春初七日

誠中君寶德升崇寧二年八月廿六日自王母池來訪此

董元康政和甲午重九日攜家來游質贄賁侍行

自恭觀元康兄雷字政和乙未孟冬二十日

莆陽陳國瑞子玉恭謁白龍池祠俯洞酌泉小憇而

遇政和丁酉夏前二日

姜子正子方李晉道劉言可刀文叔同來庚子四月

李顯道張公美王仲與張去塵庚子孟夏十九日同

遊池上

郵城李債弟俊侄贛隨侍遊此癸卯季春廿八日

張子觀水于池十三年春三月

右在嶽西傲來峰下白龍池石壁上平廣計二十

餘文書曰龍潭曰白龍池竝大字其旁皆宋人題

名尚未刊缺錄之得十五首其文畧無重複自治

平迄宣和六十年間人名字亦可以想見當日太

平之盛而金元以降游遭兵火名山奧區委之榛

莽無復有題名者矣

張子觀水于池篆書張字作鉅按劉原父鉅仲臣

銘釋鉅爲張以爲張仲之器歐陽永叔從之趙明

誠金石錄疑之黃長睿東觀餘論則云距其勿反
非張字考之玉篇信然然此云距子則爲張子無
疑蓋宋人之好奇者壞原父永叔所定之字而用
之耳宣和博古圖亦有周距伯匱 此條篆字大
書無年號按宋朝紀元無有至十三者若曰金元
又不合一代全無題名止此一人也

元聖旨碑

右碑在州城內嶽廟西偏延禧殿前又有至正四
年猴兒年聖旨碑其文畧同按元史泰定帝本紀
有即位一詔與此相類鄙嘖之語播之王言傳之
史冊貽笑後人然其曰每年燒香的上頭得來的

香錢物件只教先生每收掌者則是時香錢固未
嘗以入官也後世言利之臣蓋元之不如已

靈巖寺宋李迪詩

右小石刻在長清縣靈巖山寺中其山距府九十
里南接泰山北帶龍洞齊乘以爲疑即水經之玉
符山而魏書所云朗公谷者在其東南自前代稱
爲勝境宋金元人題字最多予至則當兵火之後
縱橫偃蹇委之荆棘瓦礫之中然猶得唐一宋金
合四十餘元以後不能悉數唐刻爲天寶十一載
造舍利函記文不工不足錄而宋刻年月序次以
此爲首按史李迪謚文定前後三知兗州其再任

乃仁宗天聖中也

滕涉言

祖無擇詩

孔舜思詩

張會宗詩

鮮

于侁詩

宛亭下詩

蔡安持詩

杜欽況詩

金

王珩詩

路伯達詩

元傳亨詩

右石刻大小不一凡十三通俱在靈巖寺其它刻

宋時者則有田稹五言詩嘉祐五年王達千佛殿

記元豐庚申季公顏金像記元祐壬申卜育遊山

記大觀戊子郭思遊山記大觀三年住持仁欽篆

書心經大觀四年仁欽生老病死苦頌仁欽十二

時歌仁欽靈巖十二景詩政和元年淨照和尚誠

文政和五年劄付政和乙未趙子明題名靖康元

年高直臣題名而蔡一經碑四幅前元符二年十

二月十三日書後建中靖國元年十一月五日書

在御書樓下特為書家所珍又有面壁像碑宋建

中靖國元年陳師道記金皇統七年重立金時者

則有皇統七年雲公禪師像正隆丙子張汝為題

名大定戊戌蕭守中題名明昌六年本寺田園記

明昌七年党懷英靈巖寺記元時者則有蛇兒年

大元國師法音碑蒙古字至元龍兒年帝師法音

碑蒙古字大德六年天童覺和尚默照銘至正四

年察罕普華書唵嘛呢巴彌吽一行漢字一行蒙

古字凡元碑最多不盡錄錄其稍異者有至治元

年忽都虎郡王太夫人八達氏詩詩只二句曰巖
前松檜時時綠殿上君王歲歲春大字刻之亦不
類婦人筆也又有宋蘇子由五言論驗為後人補
刻而復有子瞻徐州一歌誤刻於此其詩各見集
中不錄後之君子知予之所取者非以吹二氏之
狂瀾拾閏朝之落艷而情淡好古意在闡幽自有
不能已者且因以覽世道之汗隆考文辭之醇襍
亦豈不為學人之一助哉

北嶽廟李質詩

恒嶽晨望有懷

定州司馬李質

一儀均四序五嶽分九州靈造良難測神功匪易酬

恒山北臨代秀粵東跨幽瀕洞鎮河朔嗟峨冠嵩丘
禋祠彰舊典壇廟列平疇古樹侵雲密飛泉界道流
從官叨佐理銜命奉珍羞薦玉申誠效鏘金詎有由
郊原照初日林薄委徂秋塞近風聲厲川長霧氣收
他鄉饒感激歸望切祈求景福如光願私門當復侯
右詩在真定府曲陽縣北嶽廟中廟有唐時大碑
五其一韋虛心文陳懷志書行草其一張嘉貞文
自書其一鄭子春文崔鑲八分書其一李荃文戴
千齡八分書其一劉端文正知新書行草碑陰及
兩旁刻字皆滿其上層為積上所蓋而余至時倉
卒求梯不可得止就下方讀之大率皆貞元至天

祐十數朝祭嶽題名六有宋人刻字獨此詩在韋碑後文雖不工然予見近代君子搜剔唐人之詩至於無名氏不知何代人之此皆收而附之而此灼然不誤者乃不得與斷簡殘編之列又北嶽廟自大碑之外絕無題詠故特錄焉又有宋王禹偁陳彭年韓琦三大碑及白憲書石幢一字皆可觀而稚圭自書逼真顏魯公世人傳其字者罕也

惠明寺碑陰題名

太原縣北門外惠明寺塔碑宋元豐八年呂惠卿撰并書其陰下方有此三十一大字餘題尚多不錄凡碑文必面在先陰在後此碑元豐八年立爲

乙丑之歲而陰所題辛亥反在其前十有四年不可曉也豈非惠卿磨去前人之文而自刻之者與其陰歲月之猶存則固心勞日拙而亦天理之未盡泯者與夫毀人以自成君子之所浚戒而今之名公貴人爲此者多矣歐陽詹所以悲顏魯公之碑而致弔于九江之驛也悲夫古碑之所以多不存於世其不以此也哉

華嶽廟賈疎詩

右在華嶽碑之左旁此碑前後空處爲宋人攙入題名甚多幸正文皆八分書題名或隸或行不相混耳而近代人踵刻者尚未止有一題曰崇禎十

七年後辛丑和州逸人戴逸孝再入嶽亦八分書
張惟一祈雨紀

右在述聖頌碑之左旁八分書

華陰縣令王宥等題名

右在述聖頌碑之右旁上為篆下為八分書唐有

兩上元年號此則肅宗時也

宋陳執中題名

右在碑陰韓賞文之下方有大曆九年華陰令盧

朝徹謁嶽廟文有貞元九年十三年題名其宋代

所刻惟此執中宋人所謚為榮靈者乃其書則不

俗也其碑之前左方下又有元豐乙丑王子文題

名

拱極觀記跋

易曰神而明之存乎其人本觀舊記爰自聖門情取

改元中朝奉大夫薛公名公所作刻諸琬度口意欲傳於

久昨緣兵革蠶起大火縱焚致于泯滅其文則道之

竊嘗錄之以行逮今十二載矣經曰天地運度有數

而不失也道之雖至愚緬思景貺得非真君之密贊

耶謹募工重刊于右恭銘休美云時紹興九年歲次

己未中元日前西嶽知殿兼拱極觀主賜紫道士雷

道之謹記

右小碑本在拱極觀觀已久亾萬曆中有人掘地

得此碑置之嶽廟中與宇文周碑竝立其碑文鄙
淺無足采然吾於是見宋人風俗之厚而黃
冠道流猶能念本朝而望之興復其愈於後世之
人且千萬也夫紹興九年高宗方在臨安而金人
有許和之約考之於史八年十二月丁丑詔金國
使來盡割河南陝西故地通好于我令尚書省榜
諭九年三月丙申臣倫受地于金得東西南三京
壽春宿亳曹單州及陝西京西之地四月辛亥命
樓炤宣諭陝西諸路十年五月金人叛盟炤永興
軍則此地之復歸於宋蓋無多日而雷道之一道
士耳能于干戈喪亂之際而繫思本朝辭微旨切
以視夫士大夫之靦顏臣僕者不大有逕庭邪余
見朝邑藏春塢之記稱阜昌癸丑而西安府學有
華夷圖刻亦稱阜昌七年以偽齊劉豫之號而欲
壽之貞石豈不見此文而媿死也其沒于土中久
而後出豈陷金之後觀主埋之如鄭所南井中心
史之爲邪

劉汾詩


右說經臺之左有碑前爲老子度函谷關圖元大
德庚子刻後爲希聲堂碑八分書延祐二年朱象
先撰而此詩則在碑之左旁亦八分書不著年月
詳其風致當爲元人之作草樓之前傳有老子繫

牛柏後人琢二石牛置其下故末句云然

霍山廟建文碑

維建文元年歲次己卯二月壬寅朔二十二日癸亥
皇帝遣序班周敖國子監生袁綱致祭于中鎮霍山
之神曰予荷吳氏祐命承皇祖丕緒正大寶位統率
神人乃正月壬午祗祭上帝於南郊山川百神既與
奠享尚以未能特脩祀事于祠下爲憾是用遣官奉
香幣牲醴致祭維神以靈峻之德作鎮中土時出雲
雨協相兆民以稱予懷柔之意焉尚饗

右小石刻一通在霍山中鎮廟西壁上子行天下
見洪武永樂以來祭告嶽瀆之文及宅碑記甚多
獨未有建文年者意其在位日淺又或文皇御宇
之日而臣下之獻諛者從而剷去之也乃此文雜
於數十百碑之中而字畫完好無缺故亟錄之後
之君子每痛國史不存建文一代事蹟無從考證
若使通雅之士歷浚山窮谷而求之如此碑者世
間或尚有一二不止霍山廟也不猶愈於羅永菴
之詩程濟史彬之錄偽撰而無稽者乎因并書之
以告後人之能信古者



諸碑別體字

漢孔子廟禮器碑

祖桓祖豆

土仁疑

泰山都尉孔宙碑

彫幣弊

張表碑

頊訕

荷恣

金鄉長侯成碑

滋滋 蓐履真

淳于長夏承碑

策薰勳

皓昊 天咳 孤孤

博陵太守孔彪碑

拏拏 馬

魯峻碑 樂於陵灌園之製潔

當登緄 職表

尹宙碑

支判流僊遷

鉅鑿 鹿

白石神君碑

黍稷稻稂梁

曹全碑

巴郡胸忍令

巴郡太守樊敏碑 哲折為韓魏 米巫死

歲在汴 協洽

析里橋郁閣頌 驛釋散關之嶮深 濕

魏受禪碑 璿機 璿 大鹿 鹿

大饗碑 岐陽之狻 蒐 宗彝 大皓 大皞

封孔羨碑 揖 輯 五瑞斑 班 大皓 大皞

建城鄉侯劉靖碑 隙 隙

後魏弔殷比干墓文 遷 遷 征 征 第 弟 荆棘 棘

工為縣藁 藁 稟 稟 扶 扶 葵 葵 黝 黝

堯 堯 堯 堯 堯 堯 沉酒而不知甲兮終或已以貽戾

甲下當有字字或當作惑已謂短已也 寘 寘 樹兮英風 葵 葵 寘 寘

舊 奮 豐 豐 悖 悖 綱 綱 竊 竊 器 器 邢

侯已脯 當作鄂侯 箕 箕 子 嗟人生拉 疑 多殃 住 往

者 厥 厥 屯 屯 亶 亶 永 永 良 嶺 嶺 顛 顛 亾 肯 肯

宇 傳 疑 寬 疑 業以循 修 長 殷 辛 柔 陟 止 故鄉

乘柝 柝 條 條 朝 朝 翔 曳 曳 扶容之 藹 藹 裳

灑 灑 飄 飄 懸 執垂益而談 疑 兮 憶 憶 苦 登 登 毗

疑 囁 囁 六 螭 螭 遙 襲 裔 帶 帶 訢 訢 捐 祝

揖 祝 融 靈 鷄 雞 漕 沈 沈 灑 灑 府 府 沐 髮 馱 馱 驥 驥

虞 隨 隨 繼 繼 欵 欵 沈 灑 灑 闕 闕 寒 門 颺 疑 瑟

允 疑 神 寘 疑 而 威 陵 揚 揚 雲 祺 旗 大 儀 儀 靈 循

脩 傳 傳 說

張猛龍碑 像像 璽 璽 嵬 嵬 絹 絹 光老 光老 使使

沮涼渠 渠 饒 饒 河出第弟 弟 泣血 血 磬 磬 力 力 或

式 式 休 休 万刃 刃 莫 莫 英 英 徽 徽 永 永 承 承 華 華 鄆 鄆 鄆 鄆 方

羣寘 寘 王金生造頌

李仲璇孔子廟碑 夤 夤 賓 賓 敷 敷 敷 敷 化 化 鄆 鄆 鄆 鄆 魯

扶疎 扶疎 疎 疎 蒞 蒞 曲 曲 掎 掎 阜 阜 笑 笑 笑 笑 聘 聘 聘 聘 百刃

勿 勿 譙 譙 庶 庶 質 質 質 質 昭 昭 昭 昭 良 良 梁 梁 木 木 西 西 栢 栢 樓

煥爛 爛

太公呂望碑 與之疎 歸 發其潛盡盡之所出 盡

字俱當 作書 功 功 施 施 於 於 民 民 儒 儒 默 默 墨 墨 都 都 躬 躬 聖 聖 其詞粵

枕 枕 率 率 率 率 猥 猥 貌 貌 含 含 蒙 蒙 毫 毫 彈 彈 翰 翰 翰 翰 其詞粵

曰 鄆 鄆 曾 曾 鄆 鄆 曾 曾 巫 巫 咒 咒 巫 巫 祝 祝 香 香 醴 醴 香 香 觴 觴 華 華 歲 歲 夷 夷 曾 曾 胃 胃 胃

驪山溫泉頌 數刃 刃 峻 峻 峻 峻 極 極 公 公 諫 諫 餗 餗 高 高 塘 塘 唐

之雲 尅 尅 神 神 尅 尅 聖 聖 菜 菜 綠 綠 樹

北齊郭巨碑 什 什 斗

南陽寺碑 雜 雜 踏 踏 香 香 奸 奸 軌 軌 先 先 葵 葵 蔽 蔽 日 日 惚 惚 凝 凝 峰

虧 虧 構 構 蒺 蒺 蔬 蔬 扶 扶 疎 疎 為 為 象 象 苑 苑 苑 苑 胃 胃 胥 胥

後周華嶽頌 陟 陟 荆 荆 荆 荆 壑 壑 壑 壑 菁 菁 菁 菁 恒 恒 姪 姪 娥 娥 旂

旃 旃 蒙 蒙 哥 哥 歌 歌 焚 焚 秋 秋 無 無 壇 壇 疆 疆 妙 妙 苑 苑 苑 苑

豆盧恩碑 龍 龍 襄 襄 驥 驥 將 將 軍 軍 妙 妙 苑 苑 苑 苑

龍藏寺碑 斗 斗 斗 斗 踐 踐 祚 祚 陣 陣 河 河 何 何 人 人 伽 伽 籃 籃 藍

雖壞 懷 煩 煩 惚 惚 惱 惱 北 北 拒 拒 吾 吾 五 五 臺 臺

金石文字記卷六

啓法寺碑 挺植斐植 不惻惻 蕤蕤 稟裔 經

剝剝 陋陋 優鄧 魚象 狺狺

常醜奴墓誌 慕慕 齒 申申 救救 蔡菊

陳明府修孔子廟碑 灑灑 釜 笑笑 敬友穆睦 親

姚恭公碑 祈 福福 免 敬友穆睦 親

唐宗聖觀記 井韓幹 橫劍柱柱 拈拈

皇甫誕碑 肅肅 旻旻 旌旌 橫劍柱柱 拈拈

胄胄 產 鄆鄆 簡 呪祝 網泣辜 卑卑 裾

朱邸 馬馬 鬣 初封 反及 彘彘 烽 莫莫 蓑

昭仁寺碑 光兒 莫慕 反及 彘彘 烽 莫莫 蓑

夫子廟堂碑 胄胄 胄胄 史 反及 彘彘 烽 莫莫 蓑

訕 爾微笑 攝齊齊 餐餐 資資 覆覆 實

以成山 荦荦 荆荆 哥歌 頌 鄆鄆 鄆鄆

化度寺碑 戢 菁

九成宮 遙遙 遙遙 遠遠 方絕大漠漠

虞恭公碑 遠遠 荆荆 方絕大漠漠

歐陽詢書九歌 蘭旌 方絕大漠漠

褒公碑 遠遠 荆荆 方絕大漠漠

孟法師碑 江凌陵 祕決訣 薑薑 藟藟 摸摸 楷

褚書聖教序 苑苑 蘭蘭 薑薑 藟藟 摸摸 楷

褚書兒寬贊 版築飯牛之朋作明 韋元成作宏成

懷仁聖教序 耶耶 拈拈 苑苑 經經 攬攬 覽

金古文字記卷六

李衛公碑 蔓 敵敵 俗俗

王居士塶塔銘 惚惱 纏

蘭陵長公主碑 皇帝字皆作篆文 遙瑤 華龔月

蔓奉蒲 情之傷神 葳 箴

許洛仁碑 墜墜 主 捕蒲 州 漚 漚 度曲村 刊

聲

道因碑 苑苑 才晤悟 聰晤悟 鳥 鳧 頤怡

然理順 具禍以蓋 燼 嶠 岷 蹲鷄 鳴 袞 裕

營輯 昔 原 原 源

李文墓誌 碎 卒 質 質 膺悅疑 舟輕 郢斲 斲

孔宣公碑 魯國鄆 鄆人 擊磬 磬 科升 科斗

泚 泚 杼 杼 材 浮磬 磬 南 萃 性 爻 畫 畫

緝 載 無聲臭

華陽觀王先生碑 施妍孀 厲 醜 泚 泚 挺 莛 橫

楹從 王 鞞 荆之樹 鞞 斲 斲 璪 瑣 閤 元兔 菟

蚤 蜂 飛 媿 媿 班 班 倕 倕 苑 苑 功 虧 覆 蕘 蕘

啟

鄭惠王石塔記 七作漆

孔子廟詔表 雨 雨 露 露 鼐 鼐 莊 莊 鼓 鼓

賸 朕

乾封元年祭孔子文 生 薑 菑

李英公碑 贊

開業寺碑 孰孰能 大土 吐吐 氐泯

褚亮碑 輜輜蓋 枅析

澤王府主簿梁君誌銘 薄簿 纂纂

梁師亮墓誌銘 醜觴 旌旌 欽明饜厭代 覃

覃 纏 纏 譚 覃 思漆書 燥慘

大猷碑 天骨鼎昂 藏

李承嗣造佛像銘 斲斲

法琬碑 五袴袴 為象 珍彌 藜藜

甯思道石浮屠銘 上輕輕 車都尉 鼻鼻 矧矧

苑 苑 黃陂萬項項

景龍觀鐘銘 正書中多用篆體

契苾明碑 管管 鷹楊前少木後少才 玉質金箱相 圖

諫牒 莫賀特勤勒 特勤勒 垂譽 碑俱用武

后字

灑藏禪師塔銘 墜墜 沮涅 愍愍 弑殺戮

褒裔

葉慧明碑 珍彌 為象 考盤槃 遁代世 勿用

頤 頤

張廷珪孔子廟碑 趙遁盾 胤朗 日 斂矧

韋虛心北嶽碑 魁魁

梁高望石浮圖銘 神元妙頤頤 苑苑 荆荆

弘 弘

秦望山法華寺碑 炯炯誠 僧瑤 豪濠州
御史臺精舍碑 壁殿中 琴二 泚二 浪 各谷 蹲

贊贊

淨業法師塔銘 父迪 括括地之姿

乙速孤行儼碑 聚海 彤荆楊 矜彌漫 升

明慶

少林寺碑 申縞 縞林之敬 石磬 磬 王克潛 潛

號 蔡雍 邕 德瑩 瑩 神珠 迺 競 競 有

典咸袂 秋

嶽麓寺碑 轡 轡 斂 斂 惱 惱 但 但

東林寺碑 範 梵 經 惱 錄 錄 憧 憧 梅檀

陶侃 侃

履履温碑 衛崔 崔 子臯 羔 用成宰事

大智禪師碑 多所通括 括 旃 旃 檀 檀 楮 楮 紳 紳

不避寺鐵彌勒頌 菁 菁 棗 棗 淨 淨 頽 頽 迴 迴

禱 剛 剛 大德茂忠守迪

道振禪師塔銘 懸 懸 物 倦 倦 構 構 疾 疾

充公之頌 傑 傑

隆闡禪師碑 糾 糾 檀 檀 舩 舩 猶 猶 是 是 我 我 域 域

耶 邪 山 熙 熙 怡 怡

嵩陽觀頌 嘔 愕 怡 多 升 仙 太子 印 印

多寶塔碑 苾 莖 莖 旃 旃 檀 檀 印 印

臧懷恪碑 潔潔矩 楊揚州 自天寶距于開

元

郭敬之家廟碑 行中潔潔矩 麾城擗擗邑 邦

之攸懸堅

段行琛碑 牛崗岡啓絲 席不缺

景教流行碑 寶裝瑞翠翠即粲字

不空碑 為象 何攘讓

靳英者墓誌 時流響響風

楚金禪師碑 工人杵匠杵 為象 閑閑 翹翹

耀 刹刹 恒恒 真縱蹤

周孝侯碑 基 大護護 舉舉 預豫 章 射獸

獲護軍 初勁 度虎 去去廿世事已

揮插鋪 廿世 存風烈 俗哥歌 揆日

邠國公功德銘 鼓鼓 凡瓦 天矢 開關 極極

李晟碑 迤演 于後 如衝如援援 殛殛 遭

構亂

玄奘塔銘 納衲衣 凡日字皆作日

贈太師崔陞碑 祖萊來

玄祕塔 頤頤 沮沮 槃

神策軍聖德碑 齊聖廣泉淵 葳蕤蕤 解解 蹶

角 大特勤勒 盟沒斯

圭峰禪師碑 磁磁 州

鄭恒墓誌

淇澳澳

私茅茅

內田極

業業文者

武安君白公廟記

鯨勃敵

零星門

唯環北嶽廟碑

鹽神

畢卍耶

淩易疎疎

其浸

如抵考諸掌

曷昇中

勇多

森蘿羅

節

庀度

沐浴皇儷化

賡哥歌

太平

竿美

穢

魁魁

績繪事後素

昭晰

文賢劫像銘

珉珉

後唐李存進碑

楊劉作楊雷

補遺

古金石刻不獨文詞之典雅字畫之工妙為可愛玩而先賢事跡前代制度不詳於史者往往著見焉其有資於博聞多識不細矣而其為物散在天地間口口日少好古之士蒼萃成書者十數家收之博而辨之精無若歐趙二錄歐錄之目千趙錄二千皆據其實有者籍記之他書循名泛列固不辨其存亡也亭林先師實甚好古遊轍所至旁搜博採著成此書惟就碑刻現存及收得拓本者錄之得三百餘通其數少於歐趙而考論詳核不啻過之夫今之去宋僅五百餘年而十亡七八則過

此以往又當何如以彼凶佚者爲可惜則其幸而
存者可不知寶重哉未夙有此好孜孜訪求所得
有在茲編之外并歐趙所未錄者不忍使其無聞
謹附載於後以見古碑之亾於通都大邑而畱於
荒村窮谷者尚多有之蒐羅表章無令泯滅是所
望於後之君子門人潘耒謹識

漢桐栢淮源廟碑

八分書

延熹六年

今在桐栢縣

洪氏隸釋載此碑缺五字今拓本字畫完好而乏
淳古之氣蓋唐人重刻者據朱長文碑帖考云是
釋曠書釋曠開元時僧金石錄中有北嶽恒山碑
亦其所書也

後魏中嶽廟碑

八分書

太安二年

今在登封縣

魏太武帝因道士寇謙之奏請更造嵩嶽新廟立
碑紀事趙氏金石錄有其目余謁廟見此碑有一
孔疑是漢碑審視乃知其爲魏也碑中直稱謙之
爲天師爲師君以太武奉道親受符籙故云然字
體近拙而多古意中段剝蝕首尾具存碑陰復多
題字嵩山碑刻目漢二石闕銘外無古於此者近
日葉井叔作嵩陽石刻集記不知何以遺之

北齊嵩陽寺碑

八分書

天平二年四月

今在嵩山會善寺

碑記生禪師造塔及其徒倫豔繼造二塔事書法不工而碑文可誦碑後刻云大唐麟德元年歲次甲子九月景午朔十五日庚申從嵩陽觀移來會善寺立則唐人固以為舊物而珍之矣歐趙錄却
不載

唐龍門山石像記

正書

今在洛陽縣

龍門山鐫石為佛像無慮萬計石窟最大者今名賓陽洞像尤高大洞外石崖高處有刻字拓之得二十餘行首尾不具不知年月姓名按集古錄有

三龕記貞觀十五年魏王泰為長孫皇后造岑文本撰銘褚遂良書今拓本有聿修陰德等語又有左武侯大將軍相州都督雍州牧魏王及懷鏡奩而不追云云知即此記也

汾陰公薛收碑

于志寧撰

永徽六年

今在醴泉縣

昭陵陪葬者百六十五人今存者僅十六碑記中載其十五惟遺此碑先師所錄必目覩其碑與收得拓本者非然則置之蓋其慎也碑止存百餘字而額尚完

葉有道碑

李邕撰并書

行書

開元五年

拓本

有道之子慧明孫法善三世為道士明皇時法善見尊寵其祖若父之墓碑邕皆撰而書之可謂濫矣書法秀逸閑雅不見欹側之態蔡君謨謂是邕書最佳者良然

端州石室記

李邕撰

正書

開元十五年

今在高要縣

肇慶府北七星巖古名定山亦曰崧臺有洞通明宛委記刻在洞門石壁不類北海書集古錄疑為張庭珪書庭珪長於八分凡邕文而庭珪書之者皆八分此則正書恐未然也記中云有若邕伯早

公開元時有畢刺史者為宋璟所稱早當作畢是墓刻之誤

支提龕銘

蔡景撰

正書

開元十九年九月

今在林縣洪峪

衛輝府林縣林慮山在其西黃華天平洪峪其最勝處余遊洪峪宿洪山寺見元勅旨碑金燈記勅公碑寺東三里許路傍有石龕刻三佛像視其銘乃唐物也書非名人而有初唐筆意以地僻人見者少故不入歐趙諸錄惜在露地當移置寺中乃可久耳

大照禪師碑

李邕撰并書

行書

天寶元年

拓本

大照名昔寂大通秀之嗣去達摩七世是名北宗
門庭甚盛所謂高京法主三帝門師者也碑當在
嵩嶽寺今不存拓本乃翻刻者不遠雲麾嶽麓亞
於娑羅耳

比干墓碑

李翰撰

正書

天寶十載

今在汲縣比干廟

唐太宗追贈比干為太師貞觀中既立碑刻詔及
祭文天寶中李翰官於衛作此碑述封表之指其
文雅正選入唐文粹中今碑乃宋建中靖國元年
汲令朱子才重立

少林寺還天王師子記

正書

天寶十四載

今在少林寺

碑載久視年間僧義獎等狀 及武后口勅碑小
非名筆故諸錄遺之葉并叔官於登封而石刻記
亦不載余至少林周行廊廡見此石嵌置東廡壁
間亟搨得之知考古必須親閱也

悟臺銘

元結撰

篆書

大歷二年

浯溪銘

元結撰

瞿令問篆書

大歷三年

唐亭銘

元結撰

瞿令問篆書

大歷三年

右三銘竝在祁陽縣

元次山愛祁陽山水遂寓居焉名其溪曰浯溪築

臺曰悟臺亭曰唐亭所謂三吾者也臺銘刻在臺
之背甚完整溪銘亭銘刻於東崖石上隨石欹斜
薛厚難搨而篆筆特佳視臺銘更勝別有黃山谷
書百餘字云與陶介石披榛翦穢得次山銘刻喜
而識之又有皇甫湜五言古詩一首次山之子讓
五言長律一首俱刻在中興頌之旁

般若臺銘

李陽冰篆

大曆七年

今在福州烏石山

閩中絕少古刻鼓山題刻如麻無一唐蹟惟此銘
在三山爲最古又聞石塔寺有唐貞元中碑余未
之見

延陵季子廟碑

蕭定撰

張從申書

大曆十四

年八月

今在丹陽縣

丹陽城西南六十里有延陵鎮去鎮九里爲吳季
子廟有孔子十字篆碑及潤州刺史蕭定脩廟記
大理司直吳郡張從申書并識重刊篆碑歲月二
碑蓋同時立也歐陽公不喜從申書僅錄其三碑
今存者獨此耳昔人評張書頡頏李北海今觀遺
刻挺勁有餘而乏雋逸之氣恐未堪肩隨也

濟瀆廟碑

張洸撰

八分書

貞元十三年

拓本

唐制附祭北海於濟源此碑記新作祭器事碑文
乃濟源令張洗字濯纓所撰簡古有體裁一洗駢
儷之習洗與韓退之同時文體已矯傑如是蓋文
弊之極而將變元結權德輿輩皆然不獨韓也

阿育王寺常住田碑

萬齊融撰

范的正書

太

和七年十二月

今在鄆縣育王寺

碑載寺田興廢始末開元中秘書正字郎萬齊融
撰文趙州刺史徐嶠之書碑燬太和中復立明州
刺史于季友作後記屬處士范的重書之鄭氏金
石略載的所書凡五碑則因有名當時者碑未有

季友與的唱酬二律可補唐風之遺

復東林寺碑

崔黯撰

柳公權書

大中十一年

今在廬山東林寺

寺廢於會昌宣宗初崔黯為觀察使謀於舊僧正
言修復之黯為作記歐公稱其文辭道麗可愛今
碑斷缺不可讀而字畫存者殊佳東林惟此殘刻
及翻刻李北海碑猶存舊蹟若歐陽率更西林道
場記顏魯公題名崔融題詩李渤題影堂碑陰皆
不可見矣

尊勝陀羅尼經

正書

咸通四年八月

拓本

經刻於石幢漳州押衙王制造建州司戶參軍劉
鏞書書法婉雅酷有虞氏廟堂筆意其碑當在漳
州今未知存否尊勝石幢在處多有余所見其中
包山寺 年刻温州仙巖寺大中年刻皆完好
包山者書法尤佳字大而刻深宛然如新也

修禪道場碑

正書

無年月

今在天台山

寺在佛隴為智者大師修禪之所碑文補闕梁肅
撰台州刺史徐放書天台山志所載有陳隋唐碑
十五六通訪之都不存獨有此碑矗立榛莽中日
就剝泐徒置近寺十夫力耳此碑現存而歐趙二

錄皆不載是知昔人罍漏亦不少也金石畧所載
又有天台佛隴禪林寺碑亦徐放書今則亾矣
石橋寺詩 貞元三年正月

今在衢州

衢州府城南三十里有爛柯山相傳為王質遇仙
之所有洞明豁旁峙一碑乃唐衢州刺史嗣江王
禕所題五言古詩元和元年州刺史陸庶記云刺
史韋公以外祖信安郡王詩刻石朱彝尊云考新
唐書表太宗第三子吳王恪恪第三子琨琨子禕
舊唐書傳禕少繼江王躋後封為嗣江王改封信
安郡王景雲開元中兩為衢州刺史詩當作於景

雲間而刻於貞元也詩中有薄煙霽遠村遙峰沒
歸翼二語揚用脩以為仙人遺句殆未見此碑故
耳又有二碑刻唐人李幼卿李深謝劇羊酒薛戎
詩各一首今亡

朔方節度使李光進碑 令狐楚撰 嗣子季元行

書 元和十一年

今在榆次縣

光進與弟光顏並為唐名將憲宗平淮西光顏功
最高唐書二人並有傳光進碑令狐楚所撰光顏
碑李程所撰皆名臣也然歐趙二錄皆無此二碑
歐錄所載李光進碑楊炎撰韓秀實書者乃李光

弼之弟非光顏兄也趙錄有贈太保李良臣碑則
光進之父官止雞田州刺史初無功績以光顏故
贈太保與二子同葬一地乃趙氏錄其一而遺其
二殊不可解余友朱錫鹵過榆次趙村搨得此碑
以副本遺余故得而錄之其良臣光顏碑則已見
記中矣

憫忠寺重藏舍利記 景福元年

今在本寺

舍利塔一燔於太和八年一燼於中和二年至是
僧復嚴葬舍利於憫忠寺觀音像前南敘述記知
常書之碑中所云隴西令公大王者李匡威也匡

威欲遷舍利於閣內至拜疏於朝請發封壤詔可
而後行當時崇重法寶如是

金石文字記卷之六終

石經考

總序

東吳顧炎武輯

困學紀聞石經有七漢熹平則蔡邕魏正始則邯鄲
淳晉裴頡唐開成中唐玄度後蜀孫逢吉等本朝嘉
祐中楊南仲等中興高廟御書

漢石經

後漢書靈帝紀熹平四年春三月詔諸儒正五經文

字

蔡邕傳
言六經

刻石立于太學門外

儒林傳熹平四年廼

詔諸儒正定五經刊於石碑為古文篆隸三體書法
以相參檢樹之學門使天下咸取則焉

注古文謂孔子壁中
書篆書秦始皇使程

逸所作也隸書亦程邈所獻也主於公徒隸從簡易也謝承書曰碑立太學門外
瓦屋覆之四面欄障開門於南河右郡設吏卒視之楊龍驤維陽記載朱超石
與兄書云石經文都似碑高一丈許廣四尺駢羅相接

邕以經籍去聖久遠文學多謬俗儒穿鑿疑誤後學
熹平四年乃與五官中郎將堂谿典光祿大夫楊賜
諫議大夫馬日磾議郎張訓韓說太史令單颺等奏
求正定六經文字靈帝許之邕乃自書丹於碑使工
鐫刻立於太學門外於是後儒晚學咸取正焉及碑
始立其觀視及摹寫者車乘日千餘兩填塞街陌
盧植傳時始立太學石經以正五經文字植乃上書
曰臣少從通儒故南郡太守馬融受古學頗知今之
禮記特多回穴臣前以周禮諸經發起批謬敢率愚

淺為之解詁而家乏無力供繕寫上願得將能書生
二人共詣東觀就官財糧專心研精合尚書章句考
禮記失得庶裁定聖典刊正碑文歲餘徵拜議郎與
諫議大夫馬日磾議郎蔡邕楊彪韓說等並在東觀
校中書五經記傳張馴傳拜議郎與蔡邕共奏定
六經文字官者傳汝陽李巡等五人稱為清忠巡
以為諸博士試甲乙科爭第高下更相告言至有行
賂定蘭臺漆書經字以合其私文者乃白帝與諸儒
共刻五經文於石於是詔蔡邕等正其文字自後五
經一定爭者用息

魏石經

晉書衛恒傳魏初傳古文者出于邯鄲淳恒祖敬侯
寫淳尚書後以示淳而淳不別至正始中立三字石
經轉失淳法因科斗之名遂效其形

魏書江式傳魏陳留邯鄲淳特善倉雅許氏字指八
體六書精究閑理以書教諸皇子又建三字石經於

漢碑之西其文蔚炳三體復宣校之說文篆隸大同
而古字少異據衛恒書勢所言則三字石經非邯鄲淳書

晉石經

晉書裴頠傳轉國子祭酒奏修國學刻石寫經通曲裴頠為祭

酒奏立大學起講堂
策門刻石以寫五經

石經歷代存毀之迹

晉書趙至傳詣雒陽游太學遇嵇康於學寫石經世說

注嵇紹序曰先君在
大學寫石經古文

石季龍載記遣國子博士詣雒陽寫石經

魏書太宗紀泰常八年四月帝至雒陽觀石經 高

祖紀太和十七年九月壬申幸太學觀石經 劉芳

傳芳博聞強記兼覽蒼雅尤長音訓昔漢世造三字

石經於太學學者文字不正多往質焉芳音義明辨

疑者皆往詢訪時人號為劉石經 馮熙傳除車騎

大將軍開府都督洛州刺史洛陽雖經破亂而舊三

字石經宛然猶在至熙與常伯夫相繼為州廢毀分

用大至頽落 崔光傳領國子祭酒神龜元年夏表

曰石經之作起自炎劉繼以曹氏典論

魏志明帝太和四年二月戊子以文帝典

論刻石立於廟門之外

初乃三百餘載計末向二十紀矣

按漢熹平四年乙卯至魏神龜元年戊戌計三百四十二年

魏文帝黃初七年丙子崩至後魏神龜元年戊戌計二百九十二年

昔來雖屢經戎亂猶

未大崩侵如聞往者刺史臨州多構圖寺道俗諸用

稍有發掘基墟泥灰或出於此皇都始遷尚可補復

軍國務殷遂不存檢官私顯隱漸加剝撤由是經石

彌減文字增缺職忝胄教參掌經訓不能繕修頽墜

興復生業倍淡慙恥今求遣國子博士一人堪任幹

事者專主周視驅禁田牧制其踐穢料閱碑牒所失

次第量厥補綴詔曰此乃學者之根源不朽之永格

垂範將來憲章之本優可一依公表光乃令國子博

士李郁與助教韓神固劉燮等勘校石經其殘缺者

計料石功并字多少欲補治之後靈太后廢遂寢

通鑑

云初洛陽有漢所立三字石經雖屬經喪亂而初無損失及魏馮熙常伯夫相繼為洛州刺史毀取以建浮圖精舍日遂大致頽落所存者委于榛莽道俗隨意取之侍中領國子祭酒崔光請遣心守視命國子博士李郁等補其殘缺胡太后許之會元義劉騰作亂事遂寢

四年八月遷洛陽漢魏石經于鄴

水經注漢碑五經立于太學講堂前悉在東側碑上

悉刻蔡邕等名魏正始中又立古篆隸三字石經魏

初傳古文出邯鄲淳石經古文轉失淳法樹之於堂

西石四十八枚廣三丈魏文帝又刊典論六碑附于

其次

雒陽伽藍記開陽門御道東有漢國子學堂堂前有

三種字石經二十五碑表裏刻之寫春秋尚書二部
作篆科斗隸三種字漢右中郎將蔡邕筆之遺跡也
猶有十八碑餘皆殘毀復有石碑四十八枚亦表裏
隸書與水經注言三字者不同寫周易尚書公羊禮記四部又讚學碑
一所並在堂前魏文帝作典論六碑至太和十七年
猶有四存高祖題為勸學里武定四年大將軍遷石
經于鄴

雒陽記太學在雒陽城南開陽門外講堂長十丈廣
二丈堂前石經四部本碑凡四十六枚少二枚西行尚書
周易公羊傳十六碑存十二碑毀南行禮記十五碑
悉崩壞東行論語三碑二碑毀禮記碑上有諫議大

大馬日碑議郎蔡邕名

此章懷太子注後漢書所引較之伽藍記多論語一經水經注以此為魏正始中所立

而蔡邕等名別在堂東與此不合

北齊書文宣帝紀天保元年八月詔往者文襄皇帝
所運蔡邕石經五十二枚即宜移置學館依次修立
周書宣帝紀大象元年二月辛卯詔徙鄴城石經于
雒陽

隋書經籍志一字石經周易一卷梁有一字石經尚書

六卷梁有今字石經鄭氏尚書八卷一字石經魯詩六卷梁有毛詩一字石

經儀禮九卷一字石經春秋一卷梁有一字石經公羊

傳九卷一字石經論語一卷梁有一字石經典論一卷

三字石經尚書九卷梁有十三卷三字石經尚書五卷三字

石經春秋三卷

梁有十一卷

後漢鐫刻七經著於石碑皆蔡

邕所書魏正始中又立一字石經

按晉魏二書皆云立三字石經此獨以為一字則所謂因

科斗之名遂效其形者安在邪

政自洛陽徙于鄴都

行至河陽值岸崩遂没于水其

得至鄴者不盈大半

按水經注伽藍記所列碑數東二十五西四十八共七十三枚而北齊書所紀在鄴者五十二

枚則不過失其二十一枚耳未至於不盈大半也

至隋開皇六年又自鄴載入長安

失

周大象元年徙雒陽一節史書之疎也

劉焯傳言自雒陽運至京師者為信

置於祕書內省議欲補緝

立於國學尋屬隋亂事遂寢廢

營造之司因用為柱

礎貞觀初祕書監臣魏徵始收聚之什不存一其相

承傳拓之本猶在祕府 劉焯傳運雒陽石經至京

師文字磨滅莫能知者奉敕與劉炫等考定

襍著論跋

宋歐陽棐集古錄曰石經遺字古文篆隸三體凡八

百二十九字後漢熹平中校定五經使蔡邕以三體

書今其石以失皆盡皇祐中有蘇望者得摸本左傳

於故相王文康家取其完者而刻之莫辨其真偽也

在雒陽蘇氏家

姚寬西溪叢語漢魏石經堙滅殆盡往年雒陽守因

閱營造司所棄碎石識而取之凡得尚書論語儀禮

合數十段又有公羊碑一段在長安尚書論語之文

今多不同獨公羊當時無他本故其文與今文無異

然皆殘缺已甚

方勺泊宅編同

張舜民畫授錄嘉祐未得石經二段於雒陽城乃蔡邕隸書

邵氏聞見後錄近年雒陽張氏發地得石十數漢蔡伯喈隸尚書禮記論語俱已壞缺

天下碑錄漢石經尚書論語公羊在張奎龍圖家

趙明誠金石錄右漢石經遺字者藏洛陽及長安人家蓋靈帝熹平四年所立其字則蔡邕小字八分書也其後屢經遷徙故散落不存今所有者纔數千字皆土壤埋沒之餘磨滅而僅存者爾按後漢書儒林傳序云爲古文篆隸三體者非也蓋邕所書乃八分而三體石經乃魏時所建也又按靈帝紀言詔諸儒

止五經文字刻石立于太學門外蔡邕傳乃云奏求正定六經文字既已不同而章懷太子注引洛陽記所載有尚書周易公羊傳論語禮記今余所藏遺字有尚書公羊傳論語又有詩儀禮然則當時所立又不止六經矣洛陽記又曰禮記碑上有諫議大夫馬日磾議郎蔡邕等名今論語公羊後亦有堂谿典馬日磾等姓名尚在據邕傳稱邕以經籍去聖久遠文字多謬俗儒穿鑿疑誤後學乃奏求正定自書于碑於是後儒晚學咸取正焉今石本既已磨滅而歲久轉寫日就訛舛以世所傳經書本校此遺字其不同者已數百言又篇第亦時有小異使完本具存則其

異同可勝數邪然則豈不可惜也哉而後世學者於
去古數千百歲之後盡絀前代諸儒之論欲以已之
私意悉通其說難矣余既錄為三卷又取其文字不
同者具列于卷末云

黃伯思東觀餘論漢石經與今文不同者殊多今略

記之書女母翁侮成人今本女無保后足育高保后女永勸胥感

憂女誣女有近則在乃心今近女比猶念以相從今作女各分猷

翁中名設爾惠朕曷祗動萬民以遷爾謂朕天既付命今付

曰陳其五行陳嚴恭寅畏天命自亮以民祗懼今亮作

治懷保小人惠于矜寡今人作民母兄曰無皇則兄自敬度以作

德今兄旦以前人之微言今作是罔顯哉厥世今哉文王之

鮮光今作通殷就大命大命論語意與之與今意孝于惟

孝今于朝聞道夕死可也今也是魯孔口與曰是是知津

矣是魯孔丘與曰是耨而不輟子路以告子憮然耨而不輟子

然子憮置其杖而耘今置其斯以乎其所而譬諸宮牆今諸賈諸

賈之哉今賈又論語每篇各計其章數其最後云凡廿

篇萬五千七百一十字又記諸家異文若曰在於蕭

牆之內蓋毛包周氏於今論語無蓋氏毛氏書此石

在雒宮前御史臺中年久推散雒人好事者時時得

之今張燾龍圖家有十版最多張氏壻家有五六版

王晉玉家有小塊雒中所有者止此予皆得其拓本

論語之末題云詔書與博士臣左立劉本無郎中臣書

上臣下皆缺當是著書者姓名或云此即蔡邕書姓名既亾無以辨之獨刻者陳興姓名甚完又有一段公羊不知誰氏所得其末云谿典諫議大夫臣馬日磾臣趙陔議郎臣劉宏郎中臣張文臣蘇陵臣傅楨雜未詳谿上缺當是堂谿典也此蓋鴻都一字石經然經各異手書不必皆蔡邕也三字者不見真刻獨此一字者乃當時所刻字畫高古精善殊可寶重開元中嘗藏拓本於御府以開元二字小印印之與法書名畫同藏蓋唐世以前未錄前代石刻獨此見收其可寶如此

董道廣川書跋石經不盡蔡邕書如馬日磾輩相與成之然漢隸簡古淡于法度亦後世不及趙綽曰唐造防秋館時穿地多得石經故雜中人士逮今有之國初開地唐御史府得石經十餘石此又唐末淪沒之所出也

洪适隸釋

石經尚書殘碑

命孔本

何及相

散孔作險

言白人維舊

救孔作

舊下

有志女毋翁侮成人母流

各共爾事

齊乃位度爾

民之承保

后胥高

鮮以不浮

試以爾

遷安定厥國

今女不

其或迪

之勞爾

自怨

永

勸憂今其有

今罔後女何

之勞爾

先子不下闕于茲高后卒乃知孔作崇降疇疾白下闕能迪古

我先后下闕民女有近孔作兆則在乃心我先后綏下闕與降

卒永於戲孔作崇降弗祥嗚呼今予下闕絕遠女比猶孔作分猷念以相從

各翁孔作設中下闕建乃家孔作盤既下闕眾白女固台民

孔作無勛孔作懋建大命今我孔作子凶德綏孔作嘉績下闕今孔作無爾

惠朕闕枉孔作震動萬民以遷肆上下闕乘孔作隱哉予其勛

懋簡相爾念敬我眾朕不已上盤庚三篇

民中絕命民有不若德不聽闢天既付孔作孚已上高宗彤日篇厥遺

任孔作王父母弟不迪乃維四方下闕不虧于四伐五伐六

伐七伐乃已上牧誓篇

伊孔作無鴻孔作洪水孔作泊白孔作泊陳其又行帝下闕白建用皇極次六

白艾孔作又用三德下闕潤下作鹹炎上作苦曲直作下闕食

二白債三白祀四白司空下闕極凡厥庶民無有涇蜀

人無有下闕明人之有能有為使羞其行而下闕路毋偏

母黨王道蕩蕩母黨下闕為天下王三德孔作三上一白正

直二下闕家而孔作無凶于而國人用闕頗辟孔作僻乃心諫

及卿闕諫及庶民孔作入已上洪範篇

維天命元孔作元朕不敢有下闕爾時維天命王白告爾

孔作無多下闕茲維孔作洛予維四方罔攸責亦維爾下闕有年

于茲維爾小子乃興從爾遷王已上多士篇

書孔作穡之艱難乃勅孔作逸乃憲孔作諺既延孔作誕不孔作否則侮厥下闕

中宗嚴恭寅畏天命自亮以孔作度治民祗懼下闕或怨肆高

宗之饗國百年

孔作享國五十九年

自時厥後

下闕

功田功激果懿

共懷保小人

孔作民

惠于矜

孔作鮮艸

酒

孔作

毋劬

孔作

于遊田

維

闕

共孔作無滯于觀于逸于遊于田以萬民惟正之供

母兄

孔作無望

白今日

下闕

厥不聖

孔作聽

人乃

訓變

孔變上

亂

正

荆

孔正上有

至于

下闕

則兄白

孔作

皇自

敬德厥術白朕之術允

下闕

公由於戲嗣王臨于茲

上有其

道

孔作終

出于不詳於戲君

闕

由時我

已上君奭篇

我則致天之

已上多方篇

常伯常任辟

孔作準

亂

孔作

謀

面用

下闕

于厥邑

其在

下闕

有

會

孔作俊

心以敬事

下闕

王維

厥

孔厥上

度

孔作宅

心乃

下闕

受茲

孔作此

卒卒其

孔作基

於戲

下闕

且以前

孔作已受

人之

微

孔作微

言

下闕

訓德

孔作德

上者

是固顯哉

孔作在

庶

世

下闕

王之

鮮

孔作

光以揚武王

已上立

政篇

凡乃

闕

召大保

下闕

通

孔作

殷就

孔作

大命在

下闕

非幾茲

即

孔作既

黼衣

孔作

已上顧命篇

右石經尚書殘碑盤庚篇百七十二字高宗彤日

篇十五字牧誓篇二十四字洪範篇百八字多士

篇四十四字無逸篇百三字君奭篇十一字多方

篇五字立政篇五十六字顧命篇十七字合五百

四十七字熹平四年議郎蔡邕所書者漢儒傳伏

生尚書有歐陽大小夏侯之學孔安國尚書漢人

雖有為之訓傳者然不立於學官永嘉之亂三家

之書竝亡故孔氏傳獨行以其書校之石本多十

字少二十一字不同者五十五字借用者八字鴻
艾勃猶之類是也通用者十一字於戲母女之類
是也孔氏叙商三宗以年多少為先後此碑獨闕
祖甲計其字蓋在中宗之上以傳序為次也但云
高宗饗國百年異爾范史云蔡邕以俗儒穿鑿經
籍疑誤後學與堂谿典馬日磾等奏求正定六經
文字時博士試甲乙科垂第高下至有行賂改蘭
臺漆書經字者靈帝乃從諸儒之請刊石立之太
學天下咸取則焉碑高一丈廣四尺陸機洛陽記
云碑凡四十六書易公羊二十八碑其十二毀論
語三碑其二毀禮記十五碑皆毀北齊徙之鄴都

至河陽岸頽半沒于水隋復載入長安有易一卷
書六卷魯詩六卷儀禮九卷春秋一卷公羊九卷
論語一卷未及補治而亂作營繕者至用為柱礎
唐初魏鄭公收聚之十不存一則石經之散亾久
矣本朝一統時遺經斷石藏於好事之家猶崑山
片玉已不多見今京華鞠為犴獄之鄉殘碑日益
鮮矣予既集隸釋因以所有鑱之會稽蓬萊閣

惰勉也勃
亦逸字

石經魯詩殘碑

惟毛作

是福心是以為刺

葛屨

下汾一曲言采其蕢彼

其之子美

下之誰

知關一字毛

之蓋亦勿思

園有棘

維

關

誰上有其

關

其實之

下闕

父子父

闕一字

曰嗟予子行役夙夜母

毛作已

尚

毛作上

慎哉猶來母死

陟岵三章章六句

十

下闕

予

毛作荷

不稼不穡

毛作穡

胡取禾三百廛予不狩不

下闕特予

彼君子予不素食予

欲欲

毛作坎

伐輪予

下闕

母食我黍

三歲宦

毛作貫

女莫我言顧逝將去女

下闕

宦女莫我言勞

將去女適彼樂郊樂郊

下闕

蟋蟀在堂歲聿其逝今

我不樂日月其

弗曳

下闕

酒食胡

毛作何

不日鼓瑟且以喜樂

下闕

既見君子

云胡其憂

下闕

楊

下闕

右石經魯詩殘碑百七十三字

魏唐國風數篇之文也與毛詩異者如猗作兮貫作宦樞作菑數字

又有一段二十餘字零落不成文惟有叔于田一章及女曰雞八字可讀其間有齊韓字蓋叙二家

異同之說猶公羊碑所云顏氏論語碑所云盍毛

包周之比也漢代詩分為四在東京時毛氏詩不

立學官隋志有石經魯詩六卷此碑既論齊韓於

後則知隋志為然也

石經儀禮殘碑

東面主人

下闕

拜

下闕

人盥洗升媵觚于

賓

下闕

上拜受爵于筵前

下闕

首公荅拜媵爵者立

下闕

媵

爵者執觶待于

下闕

公坐取大

右石經儀禮殘碑四十五字皆大射儀之文也石

磨滅字畫比它經不明白靈帝紀云詔諸儒正五
經文字刻石立于太學蔡邕傳則云奏求正定六
羊禮記論語爾惟隋志云後漢刻七經於石碑皆
蔡邕所書其目有一字石經儀禮九卷乃漢史陸
記之疎略也未央宮有曲臺殿天子射宮也西京
無太學於此行禮故后蒼著書說禮數萬言名曰
曲臺記今禁中有選德殿蓋便坐觀射之地而清
閒之燕咨訪治道率在於是殆與曲臺暗合古者
射為六藝之一儀禮一經說射者兩篇後世非介
冑之士則不習與古殊矣滕觚滕爵云者滕蓋送
也

石經公羊殘碑

輦者何公子輦

闕一何以不稱公

下闕栢於是謂栢白吾

為

闕二矣隱白

下闕之之辭也然則孰立之石

闕三之石蹟

板本立

下闕美大之之辭也棠者何濟

闕四之邑也昌為

仲子

板本有

栢未君則曷為祭仲子

闕五為栢立故

下闕諸

侯四諸公者何

闕六者何天子三公稱

下闕相處乎內

始

闕七諸公放

板本於此乎前此矣前

下闕其成也白吾成

敗矣吾與鄭人未有成

板本有

下闕後為平外取邑不

書此何以書久也

下闕

弟母兄稱兄

闕八

之大夫也此

之邑也天子有

闕九

諸侯皆從泰山

下闕

而葬不日卒

赴而闕不告公曷為與微者下闕大夫之未命者也

十年此公子翬也何下闕外於外大惡書小惡不書於

內大惡諱小下闕國也何以不書葬隱之也何隱爾試

板本也試下闕葬板本有不繫闕匡子闕薨何以不地不忍

作弒言已上隱公

何易之也易之則其下闕諱取周田也諱取已上威公

十有四平何以闕記異也何異下闕則至無王者則不

至有以告者曰有廬而下闕乎隱祖之所還板本聞闕所

見異辭所聞異辭所下闕不亦樂乎堯舜闕君子也制

春秋之義以已上哀公

有傳桓公二年顏氏有所見異辭所聞異下闕何以

書記災也世年顏氏言君出則已入下闕顏氏無伐

而不言圖者非取邑之辭也下闕

然典諫議大夫臣馬日磾臣趙域議郎臣闕臣劉弘

郎中臣張文臣傅楨雜

右石經公羊殘碑三百七十五字自隱公四年至

威公元年及哀公十四年之文也所書者皆是公

羊氏傳辭而無春秋正經又有顏氏說石文斷續

不可考繹蓋嚴顏異同之辨也以今板本校之惟

易四字省四字爾漢注引陸機洛陽記云禮記碑

上有馬日磾蔡邕名今此碑有堂谿典八人姓名

論語碑亦有左立二人姓名陸氏所記未之詳也

石經論語殘碑

鮮矣不好犯上而好佞下闕本本立闕道生孝下闕曰道

千乘之國敬事下闕使民以時闕子曰弟子下闕而有信

雖曰未學吾必謂下闕君子不重則不威學則下闕與意

板本予之與子贛板本曰夫子闕以得之夫子之求之也

下闕道斯為美小夫由之有所不行知闕禮節之亦不

板本有行下闕焉可謂好學已矣板本作也下闕而無諂富而無

驕下闕告諸往而知來下闕人之不下闕章已上學而篇

免而無恥道之以德齊之下闕乎板本學世下闕孫問孝於

我我對曰毋違樊遲闕何下闕曰生下闕葬之以禮祭下闕

以別闕子夏問孝子曰色難有下闕勞有下闕孝下闕度下闕

人焉廋板本子曰溫故而知下闕子下闕器子贛問下闕

乎異端斯害也已闕子曰下闕子曰何為則民服孔

子對曰下闕子曰書云孝于板本惟孝友于兄下闕也

周因於殷禮所損益可知下闕已上為政篇

曰人而不仁如禮何人而不仁如樂何林與下闕

與對曰不能子曰闕山平如林放闕也射下闕曰起子

板本有者商也始可下闕子曰下闕殷禮吾下闕也知其說闕天

下也其闕示諸斯乎下闕如神在下闕於二代郁郁乎下闕

太廟下闕子知禮下闕禮下闕也下闕以柏周人以栗曰使民

下闕往下闕門國板本君為兩君之好有反闕管氏下闕知禮

下闕吾未嘗不得見也從者闕出曰下闕無道也久下闕觀

之哉 凡廿六章 已上八倫篇

人 子曰苟志於仁矣無惡板本有也 子曰富與貴是

人之所欲也下闕 顛沛必於是 子曰未見好仁板本有者字

惡不仁者好仕者無以尚之下闕 過也各於其黨闕二字 斯

知仁矣 子曰朝聞道夕死可也板本作矣 子曰懷荆小

人懷惠 子曰放於利而行多怨 子曰能以禮下闕

曰唯子出門人問曰何謂也曾子曰夫子之道忠恕

而已下闕 曰父母在不遠遊遊必有方 子曰三年無

改於父之下闕 已上里仁篇 子曰飽食終日無所

有三平之憂於父母板本有乎字 子曰惡稱

用心難矣哉下闕 君子板本有亦字 有惡乎子曰有板本有惡字

人之惡者惡居下板本有流字 而訕上者惡下闕 之則不孫遠

之則怨 子曰年卅板本有而字 見惡焉其終也已 凡廿

六章 已上陽貨篇 枉道而事人何闕 去父母之國板本有作邦字 景公詩孔子

曰若季氏下闕 子曰鳳兮鳳兮何而板本有而字 德之衰也板本

無也 注闕 可諫也板本無 來者猶可追也板本有下闕 執車板本有作輿者為

誰子板本無 子路曰為孔闕 曰是魯孔闕 與曰是板本有也

是却津矣下闕 若從板本有作辟 世之士哉擾板本作賴 不輟子

路板本有行字 以告板本有夫字 子憮然曰鳥獸不可與同下闕 敵不

分孰為夫子置板本有作植 其杖而耘板本有作芸 子路拱而闕 止子路

宿殺雞下闕 禮板本有作義 如之何其廢之也板本無 欲絜其身而亂

禮板本有作義 如之何其廢之也板本無 欲絜其身而亂

大倫君子之仕也行其義下闕志辱身矣言中倫行中

慮其斯以乎板本作而已矣謂虞仲夷佚板本作逸隱居下闕少闕陽擊

磬襄入于海 周公謂魯公曰君子不施其親下闕已上微

子篇

交於子張子闕曰子夏闕何對曰子夏曰可者闕者

距板本作拒子夏曰雖闕觀者焉致遠恐泥是以下闕其事

君子學闕子夏曰小人之過下闕曰闕子夏曰大德闕

出入可也 子旌板本作游子闕君子之道焉可闕有

有卒者其唯聖人闕仕而闕曾子曰吾聞諸板本有夫字

子人未有自致也者板本作者也必也親喪乎闕子曰闕如

得其情則哀矜而勿喜子贛曰紂之闕善闕是其板

人賢者志板本其闕告子贛闕贛曰辟諸板本宮板本焉板本

之闕窺見室家之好夫闕尼不可毀闕人之賢者

企陵也闕踰也仲尼日月也闕一言以為不知言不

可不慎也夫子之不可及也猶天之下闕已上子張篇

不蔽簡在帝心朕躬有闕毋板本以萬方萬方有闕一字

兩罪在朕躬下闕歸心焉所重民食喪闕寬則得衆敏則

有功闕則說下闕不驕威而不猛子闕曰何謂惠而不

費子曰闕民之下闕尊其瞻視儼闕而畏之斯不亦威

而不猛乎下闕已上堯曰篇

凡廿篇萬五千七百闕一字

石經考

賈

板本

作活諸賈之哉包周

闕四

蓋肆乎其肆也

闕一

周

闕下

曰言

闕一

而在於蕭牆之內蓋毛包周無於

闕下

詔書與博士臣左立郎中臣孫表

工陳興刻

右石經論語殘碑九百七十有一字前四篇後四篇之文也每篇必計其章終篇又總其字又載蓋毛包周有無不同之說以今所行板本校之亦不至甚異其文有增損者其字亦有假借及用古者有字異而訓不遠若置其杖賈之哉者漢人作文不避國諱威宗諱志順帝諱保石經皆臨文不易樊毅碑命守斯邦劉熊碑來臻我邦之類未嘗為

高帝諱也此碑邦君為兩君之好何必去父母之邦尚書安定厥邦皆書邦作國疑漢儒所傳如此非獨遠避此諱也水經云光和六年立石於太學其上悉刻蔡邕名魏正始中又刻古篆隸三字石經蓋諸儒受詔在熹平而碑成則光和年也隋志有一字石經七種二字石經二種其論云漢鐫七經皆蔡邕書又云魏立一字石經其說自相矛盾新舊唐志有今字石經七種而注論語云蔡邕作又有三字石經古篆兩種蓋唐史以隸為今字也觀遺經字畫之妙非蔡中郎輩不能為以黃初後來碑刻比之相去不啻霄壤豈魏人筆力可到當

以水經爲據三體者乃魏人所刻儒林傳云爲古
文篆隸三體者非也史稱邕自書丹使工鐫刻今
所存諸經字體各不同雖邕能分善隸兼備衆體
但文字之多恐非一人可辦史云邕與堂谿典揚
賜馬日磾張訓韓說單颺等正定諸經今公羊論
語之後惟堂谿日磾二人姓名尚存別有趙陔劉
弘張文蘇陵傅楨左立孫表數人竊意其間必有
同時揮毫者予詳玩遺字公羊詩書儀禮又在論
語上劉寬碑陰王曜題名則公羊詩書之厲行也
黃初孔廟碑則論語之苗裔也識者當能別之

張續石經跋蔡邕本傳稱邕自書丹於碑不言爲何

體書今世所傳皆爲隸體至儒林傳序則云爲古文
篆隸三體書法以相參檢注言古文謂孔氏壁中書
以續考之孔壁所藏皆科斗文字孔安國當武帝之
世已稱科斗書無能知者其承認爲尚書五十九篇
作傳爲隸古定不復從科斗古文邕獨安能具三體
書法於安國之後三百年哉漢建武時杜林避地河
西得古文尚書一軸諸儒共傳寶之一軸已爲世所
珍如此熹平距建武又幾載乃謂六經悉能爲古文
非事情也或以邕以三體參檢其文而書丹於碑則
定爲隸亦如孔安國之書傳耶儒林傳序疑字有誤
者初邕正定六經與堂谿典等數人同受詔今六經

字體不一當是時書丹者亦不獨邕也姑識其末以俟博識君子

唐明皇御書孝經

金石錄唐明皇注孝經四卷天寶四載九月八分書

見存西
安府學

唐石經

舊唐書文宗紀開成二年宰臣判國子祭酒鄭覃進石壁九經一百六十卷時上好文鄭覃以經義啓導稍折文學之士遂奏置五經博士依漢蔡邕刊碑列於太學創立石壁九經諸儒校正訛謬上又令翰林勒字官唐玄度復校字體又乖師法故石經立後數

十年名儒皆不窺之以爲蕪累甚矣

新唐書鄭覃傳始覃以經籍利謬博士陋淺不能正建言願與距學鴻生共力讎刊準漢故事鏤石太學示萬世法詔可覃乃表周墀崔球張次宗孔溫業等是正其文刻于石高重傳爲祭酒與鄭覃刊定九經于石儒學傳序文宗定五經鑿之石張參等是正訛文

唐會要太和七年二月五日敕唐玄度覆定石經字體十二月敕於國子監講論堂兩廊創立石九經并孝經論語爾雅共一百五十九卷字樣四十卷開成二年八月國子監奏覆定五經字體官翰林待詔

唐玄度狀準太和七年二月五日較覆定九經字體
今所詳覆多因司業張參五經字樣為準其舊字樣歲
月將久點畫參差傳寫相承漸致訛誤今依字樣參
詳改正諸經別有疑闕舊字樣未載者古今體異雖
篆隸不同總據說文即古體驚俗近代文字或傳寫
乖訛今與校勘官取其適中纂錄為新加九經字樣
一卷請附于五經字樣之末從之

新唐書藝文志張參五經文字三卷唐玄度九經字
樣一卷

中興書目字樣一卷開成丁巳歲唐玄度撰序曰奉
詔覆定國學石經字體刪補張參五經文字采其疑

誤舊未載者撰成一卷凡七十六部

見存西
安府學

蜀石經

成都記偽蜀孟昶有國其相母昭裔刻孝經論語爾
雅周易尚書周禮毛詩儀禮禮記左傳凡十經于石
其書丹則張德釗楊鈞張紹文孫逢吉朋吉周德貞
也石凡千數畫依太和舊本歷八年乃成公穀則有
宋田元均所刻古文尚書則昆公武所補也胡元質
宗愈作堂以貯之名石經堂在府學

玉海蜀石經周易後書廣政十四年歲次辛亥五月

二十日按此後周太祖廣順元年公羊傳後書大宋皇祐元年歲次己

丑九月辛卯朔十五日乙巳工畢偽蜀相母昭裔

取唐太和本刻石於成都學宮與後唐板本不無小異乾道中晁公武參校二本取經文不同者三百二科著石經考異亦刻於石張貞又校注文同異爲石經注文考異四十卷

晁公武石經考異序鴻都石經自鄴遷雍遂茫昧于人間唐太和中復刻十二經立石國學後唐長興中詔國子博士田敏與其僚校諸經鏤之板故今世太學之傳獨此二本爾按趙清獻公成都記偽蜀相母昭裔捐俸金取九經琢石於學宮依太和舊本令張德釗書皇祐中田元均補刻公羊穀梁二傳然後十二經始全至宣和間席升獻又刻孟子參焉今考之

孝經論語爾雅廣政甲辰歲張德釗書周易辛亥歲楊鈞孫逢吉書尚書周德貞書周禮孫朋吉書毛詩禮記儀禮張紹文書左氏傳不誌何人書而祥字闕其畫亦必爲蜀人所書然則蜀人之立石蓋十經其書者不獨德釗而能盡用太和本固已可嘉凡歷八年其石千數昭裔獨辦之尤偉然也公武異時守三營嘗對國子監所摹長興板本讀之其差誤蓋多矣昔議者謂太和石本校寫非精時人弗之許而世以長興板本爲使國初遂頒布天下收向日民間寫本不用然有訛舛無由參校判知其謬猶以爲官既刊定難於獨改由是而觀石經固脫錯而監本亦難盡

從公武至少城寒暑一再易節暇日因命學官讎校
之石本周易說卦乾健也以下有韓康伯注略例有
邢璣注禮記月令從唐李林甫改定者監本皆不取
外周易經文不同者五科尚書十科毛詩四十七科
周禮四十二科儀禮三十一科禮記三十二科春秋
左氏傳四十六科公羊傳二十一科穀梁傳一十三
科孝經四科論語八科爾雅五科孟子二十七科其
傳注不同者尤多不可勝紀獨計經文猶三百二科
迹其文理雖石本多誤然如尚書禹貢篇夢土作乂
毛詩日月篇以至困窮而作是詩也左氏傳昭公十
七年六物之占在宋衛陳鄭乎論語述而篇舉一隅

示之衛靈公篇敬其事而後食其祿之類未知孰是
先儒有改尚書無頗爲無陂改春秋郭公爲郭公者
世皆譏之此不敢決之以臆姑兩存焉亦鑄諸樂石
附紆經後不誣方將必有能考而正之者

洪邁容齋隨筆孟蜀所刻石經其書淵世民三字皆
闕畫蓋避唐高祖太宗諱也

范成大記考異并序凡二十一碑在石經堂中

宋開封府石經

玉海宋仁宗至和元年八月十六日巳酉以皇姪右
屯衛大將軍克繼書國子監石經以上所寫石經論
語求書石國子監帝欲旌勸宗室特從其請二年九

月十五日功畢上之賜銀幣
仁宗命國子監取易詩書周禮禮記春秋孝經爲篆
隸二體刻石兩楹 至和二年三月五日判國子監
王洙言國子監刊立石經至今一十五年止孝經刊
畢尚書論語見書鐫未就乞促近限畢工餘經權耀
從之 嘉祐三年五月十五日王洙薦大理丞楊南
仲石經有勞賜出身六年二月 日國子監言草澤
章友直篆石經畢詔補試將作監主簿友直不願仕
賜以銀絹五月以同篆石經殿中丞張次立與堂除
書目石經七十五卷楊南仲書周易十書十三詩二
十春秋十二禮記二十皆具真篆二體

周密癸辛襍識泮學即昔時太學舊址九經石板堆
積如山一行篆字一行真字

宋高宗御書石經

玉海紹興十三年二月內出御書左氏春秋及史記
列傳宣示館職少監秦熈以下作詩以進六月內出
御書周易九月四日上諭輔臣曰學寫字不如便寫
經書不惟可以學字又得經書不忘既而尚書委知
臨安府張澄刊石頒諸州學十四年正月出御書尚
書十月出御書毛詩十六年五月又出御書春秋左
傳皆就本省宣示館職作詩以進上又書論語孟子
皆刊石立于太學首善閣及大成殿後三禮堂之廊

庶繫年錄十三年十一月丁卯秦檜奏前日蒙付
出御書尚書來日欲宣示從臣時上寫六經論孟皆
畢因請刊石于國子監仍頒墨本賜諸路州學詔可
淳熙四年二月十九日詔知臨安府趙磻老於太
學建閣奉安石經寘碑石于閣下墨本于閣上以光
堯石經之閣為名朕當親寫參政茂良等言自昔帝
王未有親書經傳至數千萬言者不惟宸章奎畫炤
耀萬世崇儒重道至矣上曰太上字畫天縱冠絕古
今五月二十四日磻老奏閣將就緒其石經易詩書
春秋左氏傳論語孟子外尚有御書禮記中庸大學
學記儒行經解五篇不在太學石經之數今按訪舊

本重行摹勒以補禮經之闕從之六月十三日御書
光堯御書石經之閣牌賜國子監
元史申屠致遠傳西僧楊璉真加作淫圖於宋故宮
欲取高宗所書九經石刻以築基致遠力拒之乃止
見存杭州府學

晁公武石刻古人尚書

晁公武古文尚書序秦夏前代法制以來凡曰古者
後世寥乎無聞書契之作固始於伏羲然變狀百出
而不彼之若者亦已多矣尚書一經獨有古文在豈
非得於壁間以聖人舊藏而天地亦有所護不忍使
之絕滅中雖遭漢巫蠱唐天寶之害終不能晦蝕今

石經考
猶行於人間者豈無謂邪况孔氏謂尚書以其上古
之書也當時科斗既不復見其爲隸古定此實一耳
雖然聖人遠矣而文字間可以概想則古書之傳不
爲浪設予抵少城作石經考異之餘因得此古文全
編於學宮迺延士張貞做呂氏所鏤本書丹刻諸石
是不徒文字足以貽世若二典曰若魯舉之類學者
可不知歟嗚呼信而好古學于古訓乃有獲蓋前牒
所令方將配孝經周易經文之古者附於石經之列
以故弗克第述一二以示後之好奇字者識又安知
世無楊子雲時乾道庚寅仲夏望日

